30 ماي 2017:

بلغ 9 أسئلة شفهية؛ 5 أسئلة كتابية؛ 57 جوابا كتابيا.

كما نحيط المجلس علما أن السيد الوزير المكلف بالعلاقات مع البرلمان سيتولى الإجابة بالنيابة على السؤال الفريد الموجه للسيد وزير الصحة، نظرا لارتباط هذا الأخير بنشاط ملكي.

كما توصلت الرئاسة من الفريق الاستقلالي للوحدة والتعادلية بطلب يروم تأجيل السؤال الشفوي المتعلق باستراتجية الحكومة لتطوير النموذج الاقتصادي والنهوض بالتشغيل، والموجه إلى السيد وزير الشغل والإدماج المهنى.

شكرا السيدة الرئيسة.

السيدة رئيسة الجلسة:

شكرا السيد الأمين.

نستهل جدول أعمال هذه الجلسة، بالسؤال الآني الأول الموجه إلى السيد وزير التجهيز والنقل واللوجيستيك والماء، وموضوعه إعادة النظر في المنظومة التعريفية في قطاع العبور المينائي، الكلمة لأحد السادة المستشارين من فريق الاتحاد العام لمقاولات المغرب، لتقديم السؤال.

المستشار السيد عبد الإله حفظي:

بسم الله الرحمن الرحيم والصلاة والسلام على أشرف المرسلين. السيدة الرئيسة المحترمة،

السادة الوزراء المحترمون،

السادة المستشارون المحترمون،

السيد الوزير المحترم، وزير التجهيز والنقل واللوجيستيك والماء المحترم،

لا يخفى عليكم أن قطاع الموانئ يعتبر رافعة من الرافعات الأساسية للتنمية التجارة الخارجية، وكذلك يشكل إحدى الأدوات الأساسية الصناعية والتجارية لتنمية تنافسية الاقتصاد الوطني.

وكما تعلمون أنه منذ سنة 1963، توالت مشاريع إصلاح هاذ القطاع وكان آخرها الإصلاح الشامل ديال 2006، والذي كان بكل صدق، كان نموذجا ناجحا وموفقا بكل المقاييس، لأنه أولا تطرق إلى حذف احتكار الذي كان مخولا لمكتب تنمية واستغلال الموائئ، وكذلك أعمل الشفافية في نموذج حكامة المنظومة القطاعية، وذلك بإعمال تقسيم وتجزيء وشطر هذا المكتب إلى قطبين: قطب تجاري تحول إلى شركة اللي هي كها تعلمون (SODEP)، ثم (Marsa Maroc) تعمل في إطار تنافسي.

أما القطب الثاني اللي هو قطب المرفق العمومي، فتحول بالطبع إلى سلطة مينائية اللي كتكلف بالضبط والتقنين والأمن والمراقبة، تحولت إلى الوكالة الوطنية للموائى، إذن هذا كنظن بأنه نموذج اللي يمكن يحتدى به واللي مطالش قطاعات أخرى فكيبقى هذا قطاع كيقى نموذج اللي هو إيجابي جدا.

محضر الجلسة التسعين

<u>التاريخ</u>: الثلاثاء 4 رمضان 1438هـ (30 ماي 2017م).

الرئاسة: المستشارة السيدة نائلة مية التازي، الخليفة الخامس لرئيس المجلس.

التوقيت: ساعتان وعشرون دقيقة، إبتداء من الساعة الثانية والدقيقة الخامسة عشرة بعد الزوال.

جدول الأعال: مناقشة الأسئلة الشفهية.

المستشارة السيدة نائلة مية التازي، رئيسة الجلسة:

بسم الله الرحمن الرحيم والصلاة والسلام على أشرف المرسلين.

أعلن عن افتتاح الجلسة.

السادة الوزراء المحترمون،

السيدات المستشارات المحترمات،

السادة المستشارون المحترمون،

رمضان مبارك كريم.

عملا بأحكام الفصل 100 من الدستور، ووفقا لمقتضيات النظام الداخلي لمجلس المستشارين يخصص المجلس هذه الجلسة لأسئلة السادة المستشارين وأجوبة الحكومة عليها.

وقبل الشروع في تناول الأسئلة الشفهية المدرجة في جدول الأعمال، أعطي الكلمة للسيد الأمين لإطلاع المجلس على ما جد من مراسلات وإعلانات.

الكلمة لكم السيد الأمين.

المستشار السيد أحمد تويزي، أمين المجلس:

شكرا السيدة الرئيسة.

بسم الله الرحمن الرحيم والصلاة والسلام على النبي الأمين.

نحيط المجلس الموقر علما بأنه سيشرع ابتداء من يوم غد الأربعاء 31 ماي 2017 في دراسة مشروع قانون المالية رقم 73.16 للسنة المالية 2017 على مستوى الجلسات العامة، وذلك وفق البرنامج التالي:

يوم الأربعاء 31 ماي 2017، ابتداء من الساعة الحادية عشر صباحاً. المناقشة العامة للجزء الأول من مشروع قانون المالية.

يوم الخميس 1 يونيو 2017 ابتداء من الساعة العاشرة والنصف صباحا، التصويت على مواد الجزء الأول من مشروع قانون المالية.

يوم الخميس 1 يونيو 2017 ابتداء من الساعة الرابعة زوالا، التصويت على مواد الجزء الثاني وتفسير التصويت.

وبالنسبة لعدد الأسئلة التي توصلت بها الرئاسة إلى غاية يوم الثلاثاء

بالطبع أنه اعطانا إيجابيات كثيرة، أذكر منها على سبيل المثال والحصر أنه وحد المناولة، وحد الفوترة، وكذلك أعمل المنافسة وكان استثمارات محمة للفاعلين المينائيين لا الجدد ولا مرسى المغرب اللي كانت وازنة كذلك، خصوصا في ما يخص المستغلين ديال الأرصفة خصوصا أرصفة الأكناف.

النظام الجمركي والإدارة العامة للجمارك كذلك قامت هنا بتسهيل العملية ديال الانسياب ديال التدفقات المينائية، وكذلك الوكالة الوطنية للموانئ أنها مولت واحتضنت الشباك الواحد (portnet) اللي سهل بشكل كبير العملية ديال التدفقات المينائية، مع أنه كاين هناك نواقص في التدفقات المينائية، اللي أولا قضية المنافسة خصها تشمل جميع موائئ المملكة والتدفقات أنها كاين مشاكل مثلا في ميناء الدار البيضاء، في ما يخص القلة والاحتياجات اللي عندنا في السكانيرات التي تؤرق أرباب النقل العاملين في الميناء.

إذن المفارقة العجيبة هو أنه رغم هذه الإيجابيات فأهم هدف للإصلاح لم يتم تحقيقه اللي هو تقليص كلفة العبور المينائي والتكلفة المينائية بنسبة 200% لما كان عليه الحال في 2006.

وهنا أظن احنا متيقنين بأنه كاينة هناك حلقة يجب التطرق إليها، حلقة اللي هي معتلة غير فاضلة، لأن فيها نوع من المضاربة مشوبة بالتواطئ ديال التواطؤ ديال الوكلاء البحريين.

السؤال: التقييم ديال الإصلاح المينائي؟ وآن الأوان كذلك لاجتثاث هذا التواطؤ وهاذ المضاربة وإعادة النظر في هاذ الحلقة ديال الوكلاء البحريين ووضعهم للقانون؟

شكرا.

السيدة رئيسة الجلسة:

شكرا السيد المستشار.

الكلمة للسيد الوزير للإجابة على السؤال.

السيد عبد القادر اعارة، وزير التجهيز والنقل واللوجيستيك والماء: شكرا السيدة الرئيسة.

شكرا السادة المستشارين.

رمضان مبارك كريم.

شكرا للسيد المستشار المحترم، لأنه في الحقيقة تكلم على المعالم ديال الإصلاح اللي كانت سابقا، واللي انطلق انطلاقا منذ 2007 واللي كانت عندو بطبيعة الحال إيجابيات، باعتبار أننا نتحدث عن حلقة من الحلقات المهمة في الاقتصاد الوطني وأحد الشرايين الأساسية، ثم كذلك باعتبار أن ما يبحث عنه المغرب الآن هو واحد الموقع تنافسي متميز على مستوى الخريطة الدولية.

السيد المستشار ذكر بمجموعة ديال الأمور اللي تتعلق بتوحيد الفوترة وكذلك مجموعة من الأمور اللي تدارت على مستوى تقليص العملية ديال

التدخل، هاذ الإصلاح اللي تدار يبدو أنه أنهى واحد المجموعة ديال المهام اللي كانت مرتبطة به، إنما ما متفقش غير فالقضية ديال الكلفة لأن الكلفة إلى قارناها به 2007 راه نقصت بواحد 30% تقريبا، ولكن الآن اللي مطلوب في اعتقادي، وهذا محم جدا، أننا نباشرو عملية أخرى وهاذي غادي يمكن ليها تدار من خلال بطبيعة الحال حوار متواصل مع الفاعلين ومع المعنيين مع الإتحاد العام لمقاولات المغرب، وكما في علم السيد المستشار غادي تكون واحد اللجنة مشتركة ما بين الوكالة الوطنية للموائئ وما بين الاتحاد العام ممثل باللجنة ديال اللوجيستيك، أشنو اللي مطلوب منها؟

اللي مطلوب بالضبط هو واحد العمل اللي خصنا نديروه أساسي هو هاذ السلسلة اللوجيستية المينائية يتم تفكيكها مرة أخرى ونشوفو أشنو هما الإمكانيات ديال ترشيد الكلفة وكذلك حتى التأثير على الزمن، لأنه فعلا احنا من 2007 ربحنا، لأن كنا فوق 13 يوم، دابا احنا تقريبا ما بين 6 و7 ديال الأيام ديال المكوث في الأرصفة المينائية، وهذا بطبيعة الحال غيعطينا إمكانية إن شاء الله أننا ندخلو فواحد المرحلة أخرى اللي غيكون العنوان ديالها هو تقوية التنافسية ديال بلادنا.

بطبيعة الحال لما غتجتم هاذ اللجنة اللي هي سيدة نفسها يمكن بطبيعة الحال واحد العدد ديال الأمور قد تكون واضحة الآن، لكن اللي يمكن نديروه ربما أننا قد نكون مضطرين إلى أن نقوم بدراسة إستراتيجية معمقة، خاص ناخذو فيها بعين الاعتبار هاذ القضية ديال (Benchmark) على المستوى الدولي، باش نشوفو فعلا أين نحن من هذا؟ وبطبيعة الحال فذيك الوقت مع التفكيك يمكن لينا نرجعو مجموعة ديال الأمور كما درجت على ذلك الوزارة بعلاقة مع المهنيين.

شكرا السيدة الرئيسة.

السيدة رئيسة الجلسة:

شكرا السيد الوزير.

السؤال الثاني موضوعه الشبكة الطرقية بالعالم القروي، الكلمة لأحد السادة المستشارين من فريق العدالة والتنمية لتقديم السؤال.

المستشار السيد نبيل الأندلوسي:

بسم الله الرحمن الرحيم.

شكرا السيدة الرئيسة.

رمضان کریم جمیعا.

السيد الوزير المحترم، تعرف الشبكة الطرقية بالعالم القروي نقصا حادا رغم ما بذل من مجهودات في السنوات الأخيرة.

لذا، نسائلكم عن ما قمتم به، وما تنوون القيام به لاستدارك الخصاص والنقص.

السيدة رئيسة الجلسة:

الكلمة للسيد الوزير للإجابة على السؤال.

السيد وزير التجهيز والنقل واللوجيستيك والماء: شكرا السيد المستشار المحترم.

بطبيعة الحال هاذ الموضوع ديال الطرق القروية سيبقى موضوعا مطروحا دامًا داخل البرلمان باعتبار أنه من الأمور التي تشغل السادة المنتخبين، وكذلك بالنظر للخصاص اللي كاين، لأن احنا تنتكلمو على واحد الخصاص اللي بطبيعة الحال تراكم على مر السنين.

غير اللي يمكن نقولو بعجالة أنه تدار في واحد المجموعة ديال البرامج، كان البرنامج الأول ديال الطرق القروية اللي انتهى واللي مكن من بناء وإعداد حوالي 1100 كيلومتر من الطرق ما بين 1995 و2005 بواحد الكلفة ديال 6 دالمليار ديال الدرهم، ثم كان البرنامج الثاني الذي يبلغ طوله تقريبا واحد 15500 كيلومتر وكانت الكلفة ديالو 15 مليار ونصف ديال الدرهم.

وبطبيعة الحال هذا كان مقدر أننا نوصلو لواحد النسبة ديال الولوج ديال 80%، واحنا الآن حوالي 79%، وبالموازاة مع هاذ الشي كان انطلق برنامج آخر ديال التأهيل الترابي اللي كان تيستهدف بالخصوص المناطق النائية وتيشمل حوالي 2320 كيلومتر من الطرق، 68 منشأة بالكلفة ديال 25. مليار ديال الدرهم.

الآن اللي احنا على أعتاب أو على أبواب إطلاق مشروع آخر اللي هو تقليص الفوارق المجالية اللي غيهم إنجاز 22000 كيلومتر بتكلفة إجهالية تبلغ 28 مليار ديال الدرهم واللي غادي تهم 3.4 مليون نسمة، وكذلك إنجاز برنامج تأهيل طرق القرب اللي غتشرف عليه الوزارة مباشرة، اللي فيه 8000 كيلومتر و180 منشأة فنية بكلفة ديال 8 دالمليار ديال الدرهم.

شكرا السيدة الرئيسة.

السيدة رئيسة الجلسة:

شكرا.

الكلمة لأحد السادة المستشارين في إطار التعقيب.

المستشار السيد نبيل الأندلوسي:

شكرا السيد الوزير.

في الحقيقة، السيد الوزير، إثارتنا لهذا الموضوع كأحد المشاكل التي يعانيها العالم القروي، طبعا ليس المشكل الوحيد، ولكن أحد المشاكل، بحيث أنه نجد أن معاناة ساكنة العالم القروي تتجلى في الطرق، تتجلى في المستشفيات، تتجلى في البنى التحتية، وهاذ المشاكل عموما هي مشاكل اجتماعية لعموم المناطق ديال المغرب، نجدها في جبال الأطلس، نجدها في تخوم الصحراء، نجدها في جبال الريف مشاكل المغرب العميق.

وهنا التساؤل كيفية تعامل الدولة مع هاته المشاكل، مع هاته المطالب، والآن على امتداد التراب الوطني نجد احتجاجات كتخرج في الشوارع من أجل المطالبة بالحقوق الاقتصادية والاجتماعية للمواطنين.

تعامل الدولة، السيد الوزير، ومن خلالكم للحكومة، هو الاستجابة لهاته المطالب، أما المقاربة التي تعتمد في أكثر من منطقة ومن بينها الآن المنطقة ما يقع في إقليم الحسيمة أعتقد ليست هي الجواب.

الجواب الحقيقي هو في التنمية وليس في القانون الجنائي، الجواب يتواجد في الإنصات لهاته المطالبة وتغليب منطق الحكمة ومنطق التبصر، أما مسلسل الاعتقالات فأعتقد أنه يعقد الأمر أكثر، وما يقع من تجاوزات الآن فيما يتعلق بمجموعة من الأسر التي لا تعرف حتى فين كيتواجدوا الأبناء ديالها مع الأسف الشديد في 2017، رغم أننا قطعنا مسافات طويلة في مسار بناء دولة المؤسسات ودولة الحق والقانون لكن هاته التراجعات وهذا الظلم الذي يقع بالنسبة لمجموعة من الأسر التي تستنكر وتستغيث لأنها لا تعرف حتى الأبناء ديالها أين تم اعتقالهم، فأعتقد أن الحكومة والدولة بمؤسساتها عليها أن تتحمل كامل المسؤولية في هاته الخروقات التي تمارس.

المطالب ديال المواطنين عموما في جميع مناطق المغرب ومن بينهم منطقة الريف هي مطالب عادلة ومشروعة، فبالتالي ربما السؤال كان حول طرق العالم القروي ولكن التعقيب في عمومه كان هو الطريق إلى الديمقراطية، والطريق إلى الديمقراطية وتفعيل دولة المؤسسات تستدعي الإنصات بعمق وتحكم لمطالب الشعب المغربي.

شكرا السيدة الرئيسة.

السيدة رئيسة الجلسة:

شكرا السيد المستشار.

الكلمة للحكومة.

السيد وزير التجهيز والنقل واللوجيستيك والماء:

شكرا السيد المستشار.

على كل حال ختمتم مداخلتكم وقلتم الطريق للديمقراطية، الحكومة هي جزء من هذا الطريق للديمقراطية، وأعتقد أن هذا واحد المسار لا رجعة فيه رغم أنه قد تقع بعض النتوءات في بعض الحالات، لكن هذا مسار من المسارات التي يسعى المغاربة كلهم، كل من موقعه إلى أن يتم ترسيخها.

ولكن عودة إلى هاذ الشي ديال الطرق القروية، أنا ابغيت غير نقول للأمانة لأنه على كل حال هذه مرحلة أنا لم أكن فيها مسؤولا على هذا المجال، كاين جمد كبير اللي تدار في بلادنا، وأنا دائما أقول أنه يجب ترصيد ما هو إيجابي، وبطبيعة الحال انتقاد ما هو سلبي، راه عندنا 250 مليار ديال الدرهم ديال الطرق اللي تدارت وتدارت بفعل - مرة أخرى - جمد المغاربة رجالا ونساء، وهذا الرصيد خاصنا نحافظو عليه، خاصنا نقويه، وجمد كبير تدار.

ذكرتم الحسيمة، على كل حال أنت السيد المستشار أنت عارف أنني مشيت جوج مرات للحسيمة، امشيت في زيارة مع السادة الوزراء وامشيت قبل ذلك، وكاين جمد معتبر تيدار على مستوى الطرق القروية

ولا أدل على ذلك راه غير الطريق السريع ما بين الحسيمة وتازة راه تتكلف 4 دالمليار ديال الدرهم، وهو المقصود منها فك العزلة على واحد العدد ديال المناطق، والحمد لله أنه كاين استمرارية في أن تكون هناك كذلك برامج أخرى تستجيب، علما أننا عندما نتحدث عن الحسيمة في مجال الطرق القروية راه الكلفة ديالها تتكون 4 مرات الكلفة ديال الطريق في منطقة أخرى ليست جبلية.

شكرا السيدة الرئيسة.

السيدة رئيسة الجلسة:

شكرا السيد الوزير.

السؤال الثالث موضوعه، الاستجابة لمطالب شغيلة الشركة الوطنية للطرق السيارة بالمغرب، الكلمة لأحد السادة المستشارين من فريق العدالة والتنمية لتقديم السؤال.

المستشار السيد على العسري:

شكرا السيدة الرئيسة.

السيد الوزير،

نفذ أطر ومستخدمو الشركة الوطنية للطرق السيارة في الأيام الأخيرة مجموعة من الإضرابات والتوقفات عن العمل، مما ينم عن حالة احتقان بهذا القطاع وهذه الشركة. لذا، نسائلكم عن ما تم أو سيتم القيام به لحل هذه الإشكاليات.

وشكرا.

السيدة رئيسة الجلسة:

الكلمة للسيد الوزير للإجابة على السؤال.

السيد وزير التجهيز والنقل واللوجيستيك والماء:

شكرا السيد الرئيس.

شكرا للسادة المستشارين اللي اعطاونا هاذ الفرصة لتوضيح بعض الأمور. على كل حال الشركة الوطنية للطرق السيارة هي واحد الشركة اللي هي مؤسسة إستراتيجية، تدار واحد العمل لا بأس به على مستوى البنى التحتية لأن تنتكلمو تقريبا على 1800 كيلومتر من الطرق السيارة.

اللي خاص يعرفوا السادة المستشارين أنه إلى حدود بضع سنوات خلت كانت عندها إشكالية حقيقية على مستوى التوازنات المالية ديالها، وهذا ما نسعى الآن إلى إعادته إلى وضعه الطبيعي لأن كانت الاستدانة تجاوزت الحدود اللي هي مقبولة.

بطبيعة الحال، كاين هاذ الشق اللي هو شق مالي، لكن كاين شق اللي مرتبط بالمستخدمين، وخلال السنوات القليلة الماضية بذلت الشركة مجهودات كبيرة لتحسين أوضاع أجراء الشركات المتعاقدة، لأن هاذو شركات ديال المناولة، حيث استفادوا من منح جديدة حسنت بشكل كبير

من دخلهم، بحيث يصل متوسط الراتب الشهري الصافي إلى 4000 درهم. كما استفاد 1046 أجير، أي حوالي %70 منهم، من عقود عمل غير محدودة، هاذي محمة جدا لأن الشركة ألزمت بطبيعة الحال المتعاقدين معها باش تولي هاذ العقود ديال العمل غير محدودة المدة، ناهيك على منحة الأقدمية والانخراط في الصندوق الوطني للضان الاجتماعي والتأمين الإجباري على المرض.

الحوار كان قائمًا، وقف واحد المدة، أنا لما جيت الوزارة أول حاجة حرصت عليها هو أن ينطلق الحوار، الحوار الآن هو برعاية وزارة التجهيز والنقل واللوجيستيك والماء ووزارة الداخلية، وأعتقد أن الآن الحمد لله راه كاين اجتماع الآن انطلق في الساعة الثانية عشر، ونأمل أن يفضي إلى أمور في مصلحة المستخدمين والأجراء والأطر، وكذلك في مصلحة الشركة الوطنية للطرق السيارة لأن عندها برنامج ديال التشييد وبرنامج ديال التدبير اللي خاصو ينطلق بطبيعة الحال في إطار واحد السلم اجتماعي. شكرا السيدة الرئيسة.

السيدة رئيسة الجلسة:

شكرا.

الكلمة لأحد السادة المستشارين في إطار التعقيب.

المستشار السيد عبد الالاه الحلوطي:

شكرا السيدة الرئيسة.

شكرا السيد الوزير.

السادة الوزراء،

السيدات والسادة المستشارين المحترمين،

بداية، لابد أن ننوه بالمجهودات التي قمتم بها والتي قامت بها الشركة والتي تعتبر من المجهودات الأساسية والمهمة، والتي مكنت بلدنا من أن تصبح عنده شبكة للطرق السيارة محترمة لحد الآن ولو كنا لازلنا نطالب بالطبع بالمزيد.

السيد الوزير، في الحقيقة هاذ السؤال كنا طرحناه من قبل ما يتم فتح باب ديال الحوار مع الشركة، ولذلك نحن اليوم نسجل أنه من بعد هاذ الاحتجاجات، وهاذ الاحتجاجات مع كامل الأسف التي أضرت بالطرق السيارة، أضرت بالشركة، أضرت كذلك بالمالية ديال الشركة وحتى المواطن.

نقول لك، السيد الوزير، المواطن لما تيلقى (barrière) محزوزة وكيدوز ولو أنه ما تيخلصشاي تيحس بواحد النوع من الامتعاض، اعلاش؟ لأنه هذا واحد الطاقات ديال البلاد ديالو التي تهدر.

ولَذلك احنا حرَصنا جميعا، السيد الوزير، أننا نتواصلو معكم ونتواصلو مع الإدارة ديال الشركة من أجل فتح باب الحوار، ما يمكنش هاذ القضايا هاذي تحل إلا بالحوار، هاذ الحوار نسجل اليوم، السيد الوزير، بأنه تفتح،

ونسجل كذلك بأنه تمت لحد الآن بعض التفاهات حول بعض القضايا اللي هي مطروحة، ونطالب السيد الوزير فقط باش تحرصوا على أن الأمور اللي تم الاتفاق عليها على الأقل تتم المتابعة ديالها والالتزام بها، وفي نفس الوقت نقولو بأنه لازالت هناك بعض الاحتقانات وبعض الاحتجاجات اللي هي كيمكن لنا نتعاطاو معها بواحد النوع من المصداقية ونوع من المهنية ونوع من المصلحة العامة للجميع.

هؤلاء العال، هؤلاء المستخدمون، السيد الوزير، لا يطالبون بالأشياء الكثيرة، يطالبون فقط بالكرامة، يطالبون فقط بأن تكون القوانين المنظمة للعلاقة بينهم وبين الشركة تكون قوانين معقولة ومتوافق عليها في إطار شراكة حقيقية، لأن المشكل اللي وقع، السيد الوزير، هو أن هاذ العلاقات هاذي ولات تدبر من طرف الشركة لوحدها، نحن نطالب بأن تكون هناك شراكة حقيقية في إطار نوع من التوازن ما بين المصلحة العامة للمؤسسة ديال الطرق السيارة وكذلك المصلحة ديال العال وديال المستخدمين اللي هما كيشتغلوا واللي ملي كيمشيو يديروا الإضراب راه ما تيديروا الإضراب راه ما تيديروا الإضراب حتى كتسد الأبواب ديال الحوار.

بالتالي احنا كنأكدو اليوم باش نزيدو نتمسكو بالمنهج ديال الحوار. وشكرا السيد الوزير.

السيدة رئيسة الجلسة:

شكرا السيد المستشار.

الكلمة للسيد الوزير للرد على التعقيب.

السيد وزير التجهيز والنقل واللوجيستيك والماء:

السيد المستشار،

أنا متفق تماما على المبادئ اللي ذكرتي بها، أنا قلت أول حاجة درناها من بعد الحكومة الجديدة هو الدعوة إلى الحوار من جديد، الآن الحوار قائم والحوار عندو واحد المجموعة من الأمور راك ذكرتي بها.

المسألة الأولى هو أنه هاذ المؤسسة هي ملك للجميع ماشي غير للإدارة ديالها، راه الإدارة ديال المستخدمين ديالها، هناك إشكال يرتبط بالمتعاقدين في إطار المناولة احنا بطبيعة الحال الدولة من خلال الحكومة أعطت كل الضانات على أنه كاين استقرار في الشغل، يعني الشركات تلزم المتعاقدين بهذا الأمر، ما ابقاش عندنا شي حاجة تسمى غير محدود المدة، وجميع الأمور اللي ما كانتش سابقا والتي تتعلق بالأمور اللي خصها توفر لهاذ الأجراء والمستخدمين كاينة.

بطبيعة الحال الحوار الآن يفترض أنه يتجاوز بعض الإشكاليات التي تتعلق بهاذ القضية ديال المرحلة المقبلة اللي خص الشركة الآن تباشر فيها مجموعة من الأمور ترتبط ببرنامج تدبيرها وكذلك ترتبط بالتشييد ديال واحد المجموعة ديال المقاطع، وإلا العنوان الأبرز فهاذ الشي كامل هو خدمة المرتفق، هاذ المرتفق خصو يلقى واحد الخدمة جيدة، بطبيعة الحال هذا

واحد الأمر اللي خصو يستمر فيه الحوار بين الشركة وبين الممثلين النقابيين بمختلف تلاوينهم.

السيدة رئيسة الجلسة:

شكرا، نشكر السيد الوزير على مساهمته القيمة في هاته الجلسة.

وننتقل إلى السؤال الآني الأول الموجه للسيد وزير الثقافة والاتصال، وموضوعه البرامج التلفزية خلال شهر رمضان الأبرك، الكلمة لأحد السادة المستشارين من الفريق الاستقلالي لتقديم السؤال.

المستشار السيد عبد السلام اللبار:

شكرا السيدة الرئيسة.

السيدة الوزيرة، السادة الوزراء،

الأخوات والإخوة.

السيد الوزير، كنظن أن المغاربة اليوم كينتظروا واحد الترفيه، ومع التقدم والتطور التكنولوجي كيتمناو المغاربة يشوفوا شي برامج من نوع آخر، برامج تأطيرية، ترفيهية، تربوية، وطنية، فماذا أعدت وزارتكم لاستقبال هذا الشهر المبارك؟

شكرا.

السيدة رئيسة الجلسة:

شكرا السيد المستشار.

الكلمة للسيد الوزير للإجابة على السؤال.

السيد محمد الاعرج، وزير الثقافة والاتصال:

بسم الله الرحمن الرحيم.

شكرا السيدة الرئيسة.

السيد المستشار،

شكرا على هاذ السؤال اللي عندو راهنيته خصوصا مع بداية رمضان، نتطلع جميعا إلى إعلام عمومي يستجيب لتطلعات الجمهور، وبالتالي نعتقد جميعا على أن هذا السؤال يتعلق أساسا ويتمحور أساسا حول العرض السمعي البصري، يتعلق بالخدمة العمومية أيام رمضان، ونعتقد كذلك جميعا على أن شهر رمضان المبارك هو مناسبة لتجمع الأسر المغربية.

كذلك هذا الشهر يسجل نسبة مشاهدة مرتفعة، وفي هذا الإطار، لابد أن أشير أن هناك دفتر للتحملات يستجيب للعديد من المواضيع أو تطلعات الجمهور.

هناك أولا، لابد أن أقول للقنوات العمومية الإستراتجية، سواء بالنسبة للشركة الوطنية أو لقناة الدوزيم (SOREAD)، وهاذ الإستراتجية تقوم بالدرجة الأولى على المراهنة القوية على المنتوج المحلي من خلال مساطر تنفيذ الإنتاج الوطني، وبالتالي كاين هناك تصور في هاذ الشهر هذا، أن يكون هناك منتوج وطني قوي في القنوات العمومية المغربية.

وهذا يأتي انطلاقا من مساطر متعددة:

أولا هناك اللجنة المكلفة بالانتقاء، وبالتالي هاذ اللجنة تحاول أن تساير تطلعات الجمهور ورغبات الجمهور، وهناك بالنسبة لهاذ الشهر هذا، هناك 85% من العرض السمعي البصري يتعلق بالمنتوج الوطني، علما أن هذا يتجاوز ما هو في دفتر التحملات 50% بالنسبة للمنتوج الوطني.

إذن احنا وصلنا في هاذ الشهر 85%، وبالتالي نعتقد أن هناك الأفضلية للمنتوجات الوطنية تستجيب لإعلام عمومي يستجيب لتطلعات الجمهور، انطلاقا من مسلسلات، انطلاقا من برامج دينية، انطلاقا من مجموعة من الإنتاج الوطني ومن العرض السمعي البصري يحاول أن يستجيب لتطلعات المواطنين، خصوصا في هذا الشهر المبارك.

شكرا السيدة الرئيسة.

السيدة رئيسة الجلسة:

شكرا.

الكلمة للفريق الاستقلالي في إطار التعقيب.

المستشار السيد عبد السلام اللبار:

شكرا السيد الوزير.

السيد الوزير، كنظن أن حان الوقت لنستغل أجهزتنا السمعية البصرية من إذاعة، من تلفزة لتأطير الشعب المغربي، لتوعية الشباب الناشئ، راه احنا ماشيين في غلط، البرامج اللي كاينين في التلفزيون لا تخدم المصلحة الوطنية في شيء، بقدر ما أننا وقت الذروة من المغرب للعشا الإشهارات، الإشهار، الإشهار، واش بهاذ الإشهار غنربيو الدراري ديالنا؟ نشوفو الأطفال، ما يقع الآن في مختلف أرجاء البلاد ناتج عن نقص في الوعي والتوعية والتأطير، إلى ما أطرناش الشباب ديالنا عن طريق التلفزيون والإذاعة واخا الخصوصية منها، أفين ماشي المغرب؟ راه احنا ماشيين للهاوية إلى ما قبطناش وكبحنا الغضب ديال الشباب ديالنا، الشكون غادي يوجمهم السيد الوزير؟

أنا اللي جعلني نرفع صوتي وأستسمح هو أنني كنحس بالهول، بالخطر المحدق اللي كيترصد للمغاربة، أفين هي قضيتنا الوطنية؟ أفين هما شي برامج اللي غادي يخلونا نبغيو بلادنا أكثر؟ نحافظو على الممتلكات ديال الشارع ديالنا، نحافظو على النظافة ديال المدن ديالنا، من هنا غنبداو، عندنا فنانة في المستوى ولكن ما عندهمش باك صاحبي اللي غيدوزوا للإذاعة، وراكم أنتا أنا فحور بك، معجب بثقافتك، بتكوينك، بذكائك، راك عارف أشنو كيروج، هل من تغيير؟ ولا غنبقاو نهضرو سوف، سوف، راه فات الحال على سوف، اعطيني راه احنا الآن المغربي الشاب المغربي ولا تيكره بلادو على سوف، الطريقة هاكا، هاذ العدوانية، جا الوقت برامج.. نربيوه على الغيرة الوطنية الحقيقية، ما يبقاش يتبع غير الهوى وماشي غير هاكاك، حتى غيديونا للارواس.

السيدة رئيسة الجلسة:

شكرا، شكرا السيد المستشار.

الكلمة للسيد الوزير.

السيد وزير الثقافة والاتصال:

إيه حتى أنا متفق معك السيد المستشار.

فعلا نريد أن يكون هناك إعلام عمومي فاعل، إعلام يعمل على تأطير المواطنين، يعمل على تأسيس. يعني يجعل المواطن يتماشى مع العديد من الثوابت ديال المملكة، وبالتالي نعتقد أننا هناك دفتر ديال التحملات ما بين الشركة الوطنية والوزارة وكذلك قناة (2M)، وهذا يعني أنه كل وقت يمكن لنا نبدلو هاذ دفتر التحملات لنتماشى مع التوجمات الكبرى للمملكة.

إذن، نحن على يقين بأن الإعلام اللي هو يسمى بالسلطة الرابعة، وبالتالي لابد أن نسعى جميعا على أن يعمل هذا الإعلام إلى تأطير المواطنين في الاتجاه الصحيح فيما يتعلق بثوابت المملكة، هذا متفقين معك.

السيدة رئيسة الجلسة:

شكرا السيد الوزير.

السؤال الثاني موضوعه تهديد بعض البرامج التلفزية لقيم المغاربة، الكلمة لأحد السادة المستشارين من فريق العدالة والتنمية لتقديم السؤال.

المستشار السيد عبد الكريم لهوايشري:

شكرا السيدة الرئيسة.

السادة الوزراء المحترمون،

السادة المستشارون والمستشارات المحترمات،

فعلا باش ما نمشيوش للهرواس ولا لارواس احنا مرة أخرى تنطرحو السؤال ديالنا اللي هو متعلق - كما قلتم - بتهديد بعض البرامج التلفزية لقيم المغاربة، هذا بالرغم من وجود دفتر التحملات، لكن لحد الآن المغاربة بعد هاذ الدفتر كانوا ينتظرون أن تتحسن صورة التلفزة المغربية لكن الواقع بقي كما هو عليه. لذا، نسائلكم، السيد الوزير: ما هي الإجراءات إن كانت مستعجلة لمعالجة هذا الوضع؟

شكرا السيد الرئيس.

السيدة رئيسة الجلسة:

الكلمة للسيد الوزير للإجابة على السؤال.

السيد وزير الثقافة والاتصال:

شكرا السيد المستشار على هاذ السؤال.

فعلا سؤال يشغل بال الرأي العام الوطني كذلك الفاعل السياسي والفاعل في المجال ديال الإعلام، نعتقد جميعا على أن هناك ما نسعى إليه دامًا كما قلت هو أن يكون هناك إعلام عمومي يستجيب لتطلعات المواطنين، ويتماشى كذلك مع ثوابت المملكة وفق المقتضيات والمكتسبات

الواردة في دستور 2011 خصوصا الباب الثاني المتعلق بالحقوق والحريات، كذلك هناك العديد من مقتضيات واردة في الدستور، يجب أن يتماشى مع هذه القنوات العمومية.

هناك تساؤلات تطرح، لابد أن أقول أن هاذ المسألة ديال الإعلام هو مؤطر بمجموعة من المساطر، مؤطر بدفتر للتحملات، وبالتالي نحن نراقب هاذ الاحترام لدى احترام القنوات ديال القطب العمومي لدفتر التحملات.

كذلك يمكن للمواطن كذلك أن يراقب هاذ البرامج وهناك تأطير قانوني لهذا المجال، خصوصا وأنه لدينا الهيئة العليا للاتصال السمعي البصري التي تراقب مدى تجاوز مثلا في حالات معينة إذا تجاوزت هذه القنوات بعض يعني كانت هناك بعض التجاوزات لمجموعة من المقتضيات القانونية المنظمة للمجال السمعي البصري، وبالتالي هناك مجموعة من المساطر، ولكن لحد الآن نحن نسعى دائما إلى ضرورة أن يكون هناك احترام للدفتر ديال الاعتاد، وأي خلل هناك مؤسسات دستورية هي التي تحل هذا المشكل، ولكن دائما في دفتر التحملات نقول أنه يجب أن تتماشي البرامج المعروضة على المواطنين لمجموعة من المقتضيات الدستورية فيما يتعلق بالهوية الوطنية، بثوابت المملكة، وبالتالي احترام مجموعة من المؤسسات الدستورية.

السيدة رئيسة الجلسة:

الكلمة لأحد السادة المستشارين في إطار التعقيب.

المستشار السيد عبد الكريم لهوايشري:

شكرا السيدة الرئيسة.

أنا فعلا، السيد الوزير، ما طرحتموه هو الذي أثارنا وجعلنا نطرح هذا السؤال.

أولا، أن هذه القنوات تمول بمال عمومي، مدعومة بمال عمومي، وبالتالي هذا واجب علينا أننا نسائلكم السيد الوزير.

الأمر الثاني هو فعلا أن دستور المملكة واللي امشيتو ليه، السيد الوزير، أولا أنه كيحمي القيم، وجاء ينص في ثناياه على حاية قيم المغاربة وقيم الأسرة المغربية.

أيضا في القانون 77.03 المتعلق بالهاكا فعلا فيه الحديث في المادة 3 منه على احترام القيم الدينية والحفاظ على النظام العام والأخلاق الحميدة، لكن أتساءل معكم، السيد الوزير: ما هو الدور أو الإجراء، نعطيكم مثال واحد اللي وقع في المرحلة السابقة وهو لما كشف رجل يغني في موقع من المواقع العمومية ويحمل هذا إلى الأسر المغربية كشف عن عورته، ما هو الدور الذي قامت به الهاكا؟ بالرغم من أن الحكومة راسلتها في الموضوع، لم تحرك ساكنا، وهنا كنتساءلو هذا كان بالنسبة للقناة الثانية وكنتساءلو هنا: ما هو دور لجنة الأخلاقيات الموجودة داخل هذه المؤسسة؟

وهنا لما كنتكلمو عن القيم، احنا كنتكلمو عن القيم بمفهومما العام، قيم النزاهة، قيم الصدقية في الخبر، أنا نعطيكم غير مثال قبل يومين تم نقل وفبركة صور اللي كانت بمناسبة رياضية في القضية ديال الحسيمة لتصوير ما يقع في الحسيمة بالوقفات الاحتجاجية السلمية من أجل مطالب اجتماعية على أنها عنف، واللي في الحقيقة كانت صور مفبركة، أية قيم نتحدث عنها اليوم، السيد الوزير، في هاته القنوات التي نمولها من مالنا العام؟

أوليس هذا إهانة لذكاء المغاربة؟ وهم يستمعون نقدم لهم صورا مفبركة، كان من الممكن أننا نقدمو صور أخرى، ولكن لما نقدم مثل هذه الصور، في الحقيقة لا تليق بالمقام في سياق إهانة المغاربة.

سؤالنا، السيد الوزير: أشنو غادي تتخذوا من إجراءات لمعالجة هذه الاختلالات؟

شكرا.

السيدة رئيسة الجلسة:

شكرا السيد المستشار.

الكلمة للسيد الوزير في إطار الرد على التعقيب.

السيد وزير الثقافة والاتصال:

أنا تنقول بأنه إلى كان مجموعة من الالتزامات الأخلاقية الملقاة على القطب العمومي، هناك قوانين تؤطر هذا، لأن احنا دامًا خاصنا نفهمو واحد المسألة، هناك استقلالية القرار الإعلامي، وخاص يكون عندنا هذه الاستقلالية، كاين مؤسسات تراقب مدى احترام هذه المؤسسات للعمل ديالها، وبالتالي هناك دفتر تحملات، هناك قوانين تؤطر المشهد السمعي ديالها، وبالتالي كل مؤسسة يجب أن تشتغل وفق ما تم التنصيص عليه في القانون.

هناك الهاكا هي المسؤولة على هذه المراقبة، إذن فيا يتعلق باحترام مجموعة من الالتزامات الأخلاقية تنقول بأن لحد الآن بالنسبة للقنوات العمومية حسب اللي عندي هناك احترام القيم الدينية والكرامة الإنسانية، حرمة الأسرة، الحفاظ على النظام العام، كاين الأخلاق الحميدة، الامتناع وهادو كذلك محمين - الامتناع عن بث مشاهد للتدخين أو الكحول أو لعب الرهان، الحظ، اليناصيب، إلى غير ذلك، وبالتالي هناك مجموعة من الضوابط يجب على القنوات العمومية أن تحترما وفي حالة الإخلال بها هناك مؤسسات دستورية.

السيدة رئيسة الجلسة:

شكرا السيد الوزير.

السؤال الثالث موضوعه آليات تنزيل القانونين التنظيميين المتعلقين بتفعيل الطابع الرسمي للأمازيغية والمجلس الوطني للغات والثقافة المغربية، الكلمة لأحد السادة المستشارين من الفريق الحركي لتقديم السؤال.

شكرا.

السيدة رئيسة الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد امبارك حمية:

شكرا السيدة الرئيسة.

السيد الوزير،

شكرا السيد الوزير المحترم على هذه التوضيحات التي أكدتم من خلالها على ضرورة العمل على تجويد مشاريع هذه النصوص القانونية قبل عرضها على مسطرة المصادقة.

في نفس السياق، وكما نعلم جميعا، فإن أحكام المادة الخامسة من الدستور نصت كذلك على ضرورة عناية الدولة بمختلف التعابير اللغوية والثقافية المغربية، ومن بين هذه التعابير التعبير الحساني، الذي يشكل عنوان لذاكرة ثقافة وحضارة وحاملة للشعلة في كل مناطق الصحراء المغربية وأداة للتواصل بين مختلف قبائل الصحراء.

وفي هذا الإطار، وتفعيلا للمقتضيات الدستورية المشار إليها نتطلع، السيد الوزير، إلى الإسراع في إحداث مؤسسة ومراكز تعنى بهذا المكون الثقافي الحساني الصحراوي، وتتولى تشجيع البحث العلمي حوله لصيانة هذا الموروث الثقافي الحساني المغربي الأصيل، والذي يعزز قيمة الثقافة الوطنية في إطار مبدأ الوحدة في التنوع.

وشكرا السيد الوزير.

السيدة رئيسة الجلسة:

شكرا.

الكلمة للسيد الوزير.

السيد وزير الثقافة والاتصال:

شكرا السيد المستشار.

فيما يتعلق بالتعقيب ديالكم، لا بد أن نذكر على أن لدى وزارة الثقافة والاتصال مركز للدراسات والأبحاث الحسانية بالعيون، وهناك برنامج وطني محم يتعلق بجرد وصون الموروث الشفاهي الحساني، وهناك مجموعة من الدراسات والوزارة لحد الآن خصصت ميزانية تفوق 5 مليون درهم فيما يتعلق بجرد وصون الموروث الشفاهي الحساني خصوصا بتنسيق مع مجموعة من الجهات في الأقاليم الجنوبية، وكذلك مع جمعيات المجتمع المدني، ولكن اللي أساسي لدينا مركز للدراسات والأبحاث حول الثقافة الحسانية بالعيون ويشتغل وفق مقاربة تشاركية اللي غادي تعطي في الأشهر المقبلة مجموعة من النتائج التي يمكن أن نعرضها عليكم مستقبلا.

وشكرا.

المستشار السيد يحفظه بنمبارك:

شكرا السيدة الرئيسة المحترمة.

السيدة الوزيرة المحترمة،

السادة الوزراء المحترمين،

السيدات والسادة المستشارين المحترمين،

السيد الوزير المحترم،

تضمن البرنامج الحكومي الذي قدمه السيد رئيس الحكومة أمام البرلمان التزاما بتفعيل الطابع الرسمي للأمازيغية عبر اعتماد القانون التنظيمي المتعلق بها والإسراع في تنزيله، كما التزم أيضا باعتماد القانون التنظيمي المتعلق بالمجلس الوطني للغات والثقافة المغربية بصفته مؤسسة دستورية ووطنية مرجعية في مجال السياسات اللغوية والثقافية.

بناء عليه، السيد الوزير المحترم، نسائلكم ما هي آليات تنزيل القانونين التنظيميين المتعلقين بتفعيل الطابع الرسمي للأمازيغية والمجلس الوطني للغات والثقافة المغربية ؟

ثانيا، ما هي الأجندة الزمنية لعرض القانونين التنظيميين على المصادقة لتشريعية ؟

وشكرا السيدة الرئيسة.

السيدة رئيسة الجلسة:

شكرا.

الكلمة للسيد الوزير للإجابة على السؤال.

السيد وزير الثقافة والاتصال:

شكرا السيد المستشار على هاذ السؤال الذي يتعلق أولا بتنزيل المكتسبات الواردة في دستور 2011، خصوصا المكتسب المتعلق بتفعيل الطابع الرسمي للأمازيغية، وبالتالي إخراج القانون المتعلق بالمجلس الوطني للغات والثقافة المغربية.

لا بد أن نذكر على أن هاذ القانونين هما حاليا في اللجنة الثقافية بمجلس النواب، وعندي هناك تواريخ، تاريخ 26 شتنبر 2016 وتمت المصادقة عليها في مجلس وزاري في 26 شتنبر 2016، تم إيداعها بمكتب مجلس النواب بإرسالية السيد رئيس الحكومة بتاريخ 30 شتنبر 2016 تحت عدد 4977، وبالتالي هاذ القانونيين راهما في مجلس النواب في إطار لجنة، واحنا كحكومة مستعدين لأن اللجنة هي التي تحدد جدول الأعال والجدول الزمني لمناقشتها وعرضها، واحنا مستعدين كوزارة للحضور أمام اللجنة لعرض هذين القانونيين التنظيميين، وبالتالي الاشتغال وفق مقاربة تشاركية مع السيدات والسادة المستشارين في مجلس المستشارين.

إذن، حاليا مجلس النواب عندو هاذ القانونين بجوج، واحنا مستعدين كحكومة ندخلو في المناقشة ديالهم، وتبقى الصلاحية لكم كمؤسسة برلمانية.

السيدة رئيسة الجلسة:

نشكر السيد الوزير على مساهمته القيمة في هذه الجلسة.

وننتقل للسؤال الأول الموجه للسيد وزير إعداد التراب والتعمير والإسكان وسياسة المدينة، وموضوعه ضرورة إعادة هيكلة الأحياء السكنية الناقصة التجهيز والتأهيل الحضري، الكلمة لأحد السادة المستشارين من الفريق الاستقلالي لتقديم السؤال.

المستشار السيد عبد اللطيف أبدوح:

شكرا السيدة الرئيسة.

السيدة والسادة الوزراء المحترمين،

الزملاء والزميلات المحترمين،

السيد الوزير المحترم،

لا أحد يمكن أن ينكر المجهودات التي قامت بها الحكومات المتعاقبة فيا يخص الرفع من مستوى السكن إلا أنه لازال المشهد العام الحضري تتخلله بعض الإكراهات ومن ضمنها تواجد العديد من التجمعات السكنية التي تحتاج إلى هيكلة وإلى تأهيل حضري، وبالتالي إلى تمكينها من التجهيزات الأساسية حتى تتمكن من الاندماج في النسيج الحضري وخصوصا في المدن.

وكما تعلمون أن العديد من التجمعات السكنية التي تسمى بالدواوير كانت بعيدة عن المدن ولكن بفضل التطور الحضري والتوسع العمراني شملها كذلك المدار الحضري للمدن مما أصبح من اللازم الإسراع بإدماجها وهيكلتها حتى تتمكن من الاستفادة من المجهودات التي تقوم بها البلاد للرفع من مستوى السكن وتحقيق الكرامة للمواطنين.

شكرا السيدة الرئيسة.

السيدة رئيسة الجلسة:

شكرا السيد المستشار.

الكلمة للسيد الوزير للإجابة على السؤال.

السيد محمد نبيل بنعبد الله، وزير الإعداد التراب الوطني والتعمير والإسكان وسياسة المدينة:

شكرا لكم السيدة الرئيسة المحترمة.

السيد المستشار المحترم.

فعلا الموضوع اللي كتثيرو هو موضوع حيوي وأساسي لأنه مرتبط بالمشهد الحضري اليوم وبما تعيشه عدد من المدن سواء كانت كبيرة متوسطة أو صغيرة، ويمكن أن نقول بدون مبالغة بأن عدد من مدننا شهدت تشويه حقيقي، على مستوى مشهدها العمراني والحضري، وهذا ناتج على الضعف اللي كان من قبل الدولة في استيعاب الهجرة القروية واستيعاب الطلب اللي كان على السكن في بلادنا.

لكن في نفس الوقت يتعين أن نقر بأنه كان هناك وعي بذلك منذ ما

يزيد على 10 سنوات ومجهود كبير اللي تبذل كها قلتو السيد المستشار المحترم في إطار إعادة هيكلة الأحياء وفي إطار إدماج هاته الأحياء في النسيج الحضري وفي النسيج الاجتماعي عموما، لأن لما كندمجوهم كذلك في المجتمع باش يعيشوا بشكل طبيعي ونخرجوهم من الإقصاء ومن التهميش ومن الهشاشة ومن العجز اللي تيعرفوها بضخ، أولا، مشهد سكني اللي مقبول وكذلك ضخ عدد من المرافق العمومية في هذه الفضاءات.

بعد ذلك وفي إطار الحكومة السابقة دخلنا المفهوم ديال سياسة المدينة، اللي الهدف ديالو بالضبط هو أننا ما نبقاوش نعالجو غير السكن بل نعالجو كذلك المشهد في شموليته ونشوفو كيف يمكن أن نحدث توازن بين مختلف الأحياء.

بدأنا كذلك في هذه السياسة لكن العجز هو عجز كبير وقديم، وبالتالي ما قمنا به مكننا من أننا نوقفو النزيف في كثير من الفضاءات ومع ذلك يتعين مواصلة هذا المجهود.

فقط نعطيكم فكرة بسرعة على المجهود اللي تبذل، في الدار البيضاء مثلا عدد هائل من الاتفاقيات يصل إلى 2.73 مليار، الدار البيضاء بوحدها، الدار البيضاء المدينة 82 حي اللي خاضعين اليوم لإعادة الهيكلة باش يعاود يدمجوا في النسيج الحضري وفي النسيج الاجتاعي.

جمة مراكش آسفي 7 ديال الاتفاقيات 863 مليون درهم، جمة فاس مكناس 4 ديال الاتفاقيات إجالية كتهم عدة أحياء ماشي حي واحد 298 مليون درهم، درعة تافيلالت 3 الاتفاقيات 155 مليون درهم، جمة الشرق 405 ديال الملايين، جمة الرباط سلا 792 مليون، جمة طنجة تطوان إلى غير ذلك 210 الملايين، 4 ديال الاتفاقيات في سوس ماسة 383 مليون و 150 مليون في جمة بني ملال خنيفرة.

ونعلم بأن هاذ الشي غير كافي، وهناك مواصلة اليوم لهذه السياسة من أجل الأخذ بجميع هذه الأحياء وتحضيرها ولكن الجواب الحقيقي على هاذ الشي هو أننا ما نبقاوش نكتفيو بالمعالجة وبمعالجة التأخير اللي كاين هو أن تولي عندنا سياسة استباقية اللي تفتح مناطق جديدة للتعمير باش ما نسقطوش في هاذ التجزيئات العشوائية اللي تتعطينا هاذ المشهد هذا.

السيدة رئيسة الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد عبد اللطيف أبدوح:

شكرا للسيد الوزير على ما تفضلتم به، ولكن المشكل هو في هاذ الشي اللي قلتو، هو هاذ المجهود الكبير اللي كيدار وهاذ الأرقام اللي تتعطيو الناس في بعض المناطق، أنا نعطيك على مراكش منطقة ديال النخيل، هذاك الشي اللي عايشين ذوك الناس اللي عايشين تما حيث تيسمعوا هاذ

الشي تيبقى فيهم الحال، كيقولك أودي هاذ الشي راه كاين وتيدار في البلاد ومزيان ولكن احنا أشنو حقنا فيه؟ احنا أش وصلنا؟ وهاذ الموضوع كنت ثرت معك، السيد الوزير، في الحكومة السابقة وكان جوابكم إيجابيا جدا، بل كان وعدتم بزيارة إلى المنطقة باش توقفوا على هذاك الشي وتشوفوه.

فأنا تنجدد لكم، السيد الوزير، هاذ الدعوة الله يجازيك بخير، اعلاش؟ لأنه ابغيت تحس كيف حسيت وكيحسوا ذوك الناس، 45 دوار اللي فيهم اللي عندو 40 سنة، 30 سنة وابقاو هكاك، تيشوفوا المنجزات تيشوفوا هاذ الشي ولكن ما وصلهم والو، هذا هو اعلاش ثرنا هاذ الموضوع من جديد واحنا في البداية ديال الحكومة باش إن شاء الله نتمناو تكون على يد هاذ الحكومة هذي الخير لهاذ المنطقة هذي.

شكرا السيد الوزير.

السيدة رئيسة الجلسة:

شكرا للسيد المستشار، ونشكر السيد الوزير المحترم على مساهمته.

ونواصل مع السؤال الأول الموجه للسيد وزير التربية الوطنية والتكوين المهني والتعليم العالي والبحث العلمي وموضوعه وضعية الأحياء الجامعية، الكلمة لأحد السادة المستشارين من فريق الأصالة والمعاصرة لتقديم السؤال.

المستشار السيد أحمد تويزي:

شكرا السيدة الرئيسة.

السادة الوزراء،

السيدات والسادة المستشارين،

السيد الوزير،

تعاني الأحياء الجامعية من العديد من الإشكالات التي أبرزها الاكتظاظ التي تعرفه مجملها، إضافة إلى غياب المعايير الموضوعية في الولوج إليها مما يزيد من معاناة العديد من الطلبة والطالبات الراغبين في الحصول على إقامة بها.

فلا يخفى عليكم، السيد الوزير، الدور الهام المنوط بالأحياء الجامعية في تحسين ظروف التمدرس والتحصيل العلمي والمعرفي، خاصة للطلبة والطالبات المنحدرين من المدن البعيدة.

وفي هذا الإطار، نسائلكم، السيد الوزير، ما هو تصوركم لحل مشاكل الأحياء الجامعية وفي مقدمتها ظاهرة الاكتظاظ؟

السيدة رئيسة الجلسة:

الكلمة للسيد الوزير للإجابة على السؤال.

السيد خالد الصمدي، كاتب الدولة لدى وزير التربية الوطنية والتكوين المهني والتعليم العالي والبحث العلمي: السيدة الرئيسة،

السادة المستشارين المحترمين،

السيد المستشار المحترم،

هذا سؤال غاية في الأهمية حقيقة خاصة بالنسبة للسياق ديالو على اعتبار أننا نحضر للدخول الجامعي المقبل ومعلوم أنه الاهتمام بالأحياء الجامعية وكذلك الحياة الجامعية للطالب تقع في صلب اهتمامات الوزارة.

فقط أذكر السيد المستشار المحترم أن عدد الأحياء الجامعية الموجودة عندنا هي حوالي 19 حي جامعي و8 ديال الملحقات، بطاقة إيوائية إجالية تصل إلى حوالي 50 ألف طالب وطالبة، هاذ العدد ما كافيش لأنه اللي سجلنا لحد الساعة أنه الخصاص هو حوالي 90 ألف مقعد وسرير اللي منتظر أنه بدلوا فيها مجهود، اللي كاين هو أنه لحد الساعة هناك يتم إحداث أحياء جامعية جديدة بطاقة استيعابية ديال حوالي 68000 سرير أي بزيادة حوالي 106% مقارنة مع الموسم الجامعي 2012-2013 مع أيضا فتح الفرصة أمام القطاع الخاص لاستثمار في مجال الإقامات الطلابية بحوالي 7000 سرير جديد.

هذا طُبُعا غادي يمكننا على الأقل من الاستجابة لأكبر عدد ممكن من الطلبات وفي الظروف اللي يمكن تكون جيدة ومشجعة.

شكرا السيد المستشار.

السيدة رئيسة الجلسة:

شكرا السيدكاتب الدولة.

والكلمة لأحد السادة المستشارين في إطار التعقيب.

المستشار السيد أحمد تويزي:

شكرا السيد الوزير.

فعلا هناك تطور في عدد الطلبة المستفيدين من الإيواء، حيث انتقل كما قلتم تقريبا من 60 ألف في السنة الدراسية 16-16 إلى 62 ألف تقريبا في السنة الدراسية 2016-2016، هذا محم، ولكن هاذ الانتقاء ديال المستفيدين مقارنة مع هاذ الممنوحين فهو قليل جدا، بحيث أن تقريبا هو 72%، 27% من المستفيدين من المنح هما الذين بإمكانهم الولوج إلى أحد الأحياء، إذن هنا كاين إشكالية كبيرة وهناك خصاص كبير جدا بالخصوص المنوعين هم من العالم القروي، إذ قلنا من العالم القروي، وبالتالي لا يسكنون في المدن، وبالتالي هنا إشكالية لابد لكم، السيد الوزير، أن تقلبوا على الحل ديالها.

كما كنطلب منكم، السيد الوزير، كذلك التفاعل مع الملاحظات ديال المجلس الأعلى للحسابات في ما يخص الأحياء الجامعية، وغادي نقول لكم بعض.. ونقرا لكم بعض الملاحظات التي بالملاحظات اللي أقر بها المجلس الأعلى للحسابات.

أُولا، عدم احترام مقتضيات القانون الداخلي من طرف الأحياء، هذا بعض الملاحظات ما نقولوش كلهم، رفض الطلبات الإيواء المتعلقة بالطلبة الوافدين من مدن بعيدة وقبول طلبات من طلبة وافدين من القرب،

وخصوصا احنا اعتمدت الحي الجامعي ديال أكدال الرباط، إيواء أشخاص، وهذا خطر، إيواء أشخاص دون توفرهم على صفة طالب، إذن ما عندوش صفة كيكون في الحي، إيواء بعض الطلبة دون استخلاص واجب الكراء، إلى أخره.

إذن، كاين إشكاليات كبيرة جدا مطروحة في هذا الموضوع، كذلك كاين ظروف الإيواء، ظروف الإيواء فيها إشكاليات في ما يخص النوعية، في ما يخص الأكل، في ما يخص كذلك عدد الطلبة اللي كيكون في الغرف، كاين ستة ولا سبعة ديال الملاحظات، منها: عدم احترام شروط الصحة والسلامة، وهذا خطير، هذه ملاحظات ديال المجلس الأعلى، كذلك وضعية الإطعام كذلك تدعو إلى القلق، عدم احترام معايير الوقاية وسلامة الأماكن، عدم حضور الأطباء البيطريين، عدم وضع الأحياء الجامعية لإجراءات في ما يخص الحكامة، إذن كلهم هاذ الإشكاليات تجعل هاذ الأحياء بالرغم من أن فيها خصاص، اللي دخل للأحياء كاينة إشكالية في ما يخص الحكامة ديال هاذ الأحياء.

وبالتالي نطالبكم، السيد الوزير، أن تكون هناك حكامة جيدة في هاذ الأحياء رغم قلتها، وأن تعطوا المجال بالخصوص إلى الفقراء من الطلبة والمنحدرين من العالم القروي أن يلجوا هذه الأحياء الجامعية.

السيدة رئيسة الجلسة:

شكرا، شكرا.

الكلمة للحكومة للرد على التعقيب.

السيد كاتب الدولة لدى وزير التربية الوطنية والتكوين المهني والتعليم العالي والبحث العلمي: شكرا السيد المستشار المحترم.

أولا نبغي نذكر أنه هناك معايير دقيقة للولوج إلى الأحياء الجامعية، وهاذ المعايير هي معايير معلنة، وأي واحد عندو تظلم من خلال النظر في هاذ المعايير يمكن له يقدم المسطرة ديال التظلم للقطاع الحكومي المعنى.

نذكر فقط إلى أنه من المعايير الدخل السنوي للأبوين، عدد الإخوة والأخوات تحت كفالة الأب أو الوصي، التفوق الدراسي للطالب، البعد الجغرافي ثم تعطى أولوية طبعا للأشخاص المعاقين والمتخلى عنهم وذوي الحالات الاجتاعية الصعبة، هذه هي المعايير المعتمدة في الأحياء الجامعية، وإلى كانت هناك مجموعة من المعطيات المتعلقة بحالات بعينها، عندي في غضون الأسابيع القادمة إن شاء الله، زيارة ميدانية للأحياء الجامعية من أجل الإطلاع المباشر على أولا الجودة ديال الخدمات والحرص عليها، ثم ثانيا، تطبيق كل المساطر القانونية والإدارية المعمول بها حتى تمر الحكامة في أحسن الظروف.

تكلمت على المطاع، السيد المستشار المحترم، أنا نذكر فقط إلى أنه

الأثمنة ديال المطاعم ديال الوجبة الغذائية في المطعم راه مازال الثمن ديال الستينات، اللي هو درهم وأربعين، والكلفة الحقيقة ديال الشركات الآن المكلفة بالتفويض ديال هاذ الحدمات راها 20 درهم، يعني أنه الدولة تتخلص 18.6 درهم لحوالي 8 المليون ديال الوجبات الغذائية باش تحسن الجودة ديال الحدمات والدور ديالنا هو المراقبة والتتبع.

وشكرا جزيلا.

السيدة رئيسة الجلسة:

شكرا السيدكاتب الدولة.

السؤال الثاني موضوعه، الحيف الذي يطال عمال شركات النظافة والحراسة المتعاقدة مع الوزارة، الكلمة لأحد السادة المستشارين من الفريق الاستقلالي لتقديم السؤال.

المستشار السيد النعم ميارة:

شكرا السيدة الرئيسة.

السيدة والسادة الوزراء،

السيدات والسادة المستشارين المحترمين،

قامت وزارتكم بتفويت مجموعة من أشغال منها النظافة والحراسة داخل المؤسسات التعليمية، وأقول لكم، السيد الوزير، على أن جل هذه الشركات التي رست عليها هذه الصفقات لا تطبق قانون الشغل، ما هي الإجراءات التي سيتم اتخاذها في هذا الشأن؟

شكرا.

السيدة رئيسة الجلسة:

شكرا.

الكلمة للسيد الوزير للإجابة على السؤال.

السيد محمد حصاد، وزير التربية الوطنية والتكوين المهني والتعليم العالي والبحث العلمي:

السيدة الرئيسة،

السادة المستشارين المحترمين،

أولا، ربما كلمة تفويت ماشي هي اللي ملائمة، اللي وقع راكن تتعرفوه المدارس واحد المدة معينة بقات بلا حراسة وبلا عال نظافة لأن اللي خرج (la retraite) ما كيبقاش يتعوض زيادة على أن واحد العدد ديال هاذ النوع ديال الموظفين ما كاناش يمكن يدخلوهم للوظيفة العمومية لأن كانوا كيدخلوا في (lés échelles) كلهم امشاو.

إذا كان لابد باش يكون الاتجاه نحو المقاولات باش تكلف بهذه كما هو اللي الشأن تقريبا الإدارات كلها ماشي غير التربية الوطنية، المشكل هو اللي تيتقال هو كيقول لك هادوك العال انتما تتخلصوهم بواحد الثمن وذاك الثمن باش كيخلص عاود العمال ديالهم أقل بكثير من ذاك الشي اللي تتخلصوا

الإدارة، هاذ الشيكاين ولكن هذه الشراكة في الغالب راه عندها حتى هي إكراهات، عندها مصاريف، عندها واحد العدد من المسائل زيادة على (l'obligation) باش تدار باش تكون يعني مسائل معقولة.

فبالرغم من وجود (cahier de charge) يعنى دفتر التحملات واضح ربما كاين المراقبة خاص شي واحد اللي يقوم بها، تنشوف السيد وزير التشغيل هنا ربما خاصنا نتعاونو باش تكون مراقبة أكثر جدية بالنسبة لهذه الفئة ديال المقاولات باش يشوفوا واش كيطبقوا فعلا ذاك الشبي اللي كاين في دفتر الشروط ولا لا، وهذا من جملة المسائل اللي غادي نتطرقو لها في

وشكرا.

السيدة رئيسة الجلسة:

الكلمة لأحد السادة المستشارين في إطار التعقيب،

المستشار السيد النعم ميارة:

شكرا السيد الوزير.

فعلا ما قلته صحيح، إلى اعتبرنا التفويت في جانبه الإيجابي وليس جانب تخلى الدولة عن أي شيء، جانب إيجابي مهم جدا على أنه تشتغل شركات ولكن هذه الشركات، السيد الوزير، خصها تخدم في إطار القانون. السيد الوزير،

هاذ العاملات والعمال راه كيتقاضاو 700 درهم في الشهر في أحسن الحالات، السيد الوزير راه المشكل في جوج ديال الحوايج، المشكل أولا في دفتر التحملات الخاصة اللي ماكينصش على أنه خاصة هاذ الناس يتقاضاو الحد الأدنى للأجر ماكينصش عليها أولا هذا خطأ.

ثانيا، حين أيضا التسلم في آخر الصفقة كاين واحد البند في قانون الصفقات العمومية كيقول على أنه يجب على الشركة أن تثبت على أن الوضعية المالية يعنى لا الأداءات ديالها ولا فيما يخص التغطية الاجتماعية ديالها، جميع الناس الشغالين عندها تكون أداتهم، وهذه الورقة لا تعطى وهي ورقة ضرورية داخل الصفقات العمومية لأنه حين قد تدلى بها الشركة في آخر السنة غادي تكون ملزمة أولا على أنه تكون طبقت 1 (SMIG) فيها يخص وزارة التشغيل وغادي تكون ملزمة أيضا على أنها دارت التغطية الاجتماعية لهاذ الناس فيما يخص 2 (la CNSS)، بالتالي هذه وضعية خطيرة فعلا، احنا فتحنا مجال ديال الشغل لمجموعة دالناس، ولكن في نفس الوقت ضيعنا مجموعة دالحقوق هذا عمل مشترك، السيد الوزير، كيعني الحكومة ككل، انتما جزء منها، كيعني أيضا وزارة الشغل، صحيح، فيما يخص مفتشي الشغل، فيما يخص المراقبة، ولكن كيعني أيضا تحسين وتجويد دفتر

التحملات الخاص بهذا النوع من الصفقات اللي خاصو يضمن أولا هذه المسألة ديال الحد الأدنى للأجور، ويضمن كذلك التغطية الصحية بالرغم من أنه يمكن كيلزم قانون أو مرسوم ولكن هذا خاصنا نشتغلو عليه لأنه الشركات كتربح وكتربح بزاف ديال الفلوس أكثر من القياس أكثر من القياس، السيد الرئيس، غنقولها ليك.

أحناكنا في فاتح مايكنا غير فواحد المنطقة في المغرب فحنفيرة ومجموعة ديال السيدات، هذا في المغرب كله، مجموعة ديال السيدات مكيتقضاوش 600 درهم فهاذيك المنطقة، وكيقولوا ليهم راكم كتخدمو غير نص الوقت، كيشدوهم النهاركله داخل المؤسسة التعليمية من أجل 600 درهم السيد

وبالتالي، هاذي وضعية أنا كنثيرها قدامكم، السيد الوزير، وعلى أمل أننا نشتغلو جميعا من أجل القضاء على هذا النوع من الظواهر اللي كتسيء لنا جمىعا.

وشكرا السيد الوزير.

السيدة رئيسة الجلسة:

شكرا للسيد المستشار.

الكلمة للسيد الوزير للرد على التعقيب.

السيد وزير التربية الوطنية والتكوين المهني والتعليم العالى والبحث العلمي: هذا موضوع كنظن فيه إمكانيات باش نحسنوه أكثر.

أولا، عبر تحسين دفتر التحملات خصو يكون أكثر دقة وأكثر المسائل تكون دقيقة فالدفاتر المقبلة، وزيادة على حتى (les contrôles) وخا ما يمكنش كنتروليو، لأن مثلا بالنسبة (les gardiens) كاين تقريبا 5000 اللي مشغلين ما غاديش يمكن كل واحد بواحد نشوفو واش عندو الحقوق ديالو ولا هذا، ولكن يمكن يكونوا (des sondages) مع مندوبي وزارة التشغيل باش يشوفوا واش ذيك الشركات كتطبق القانون ولا ما كتطبقوشاي.

من جمة أخرى ابغيت فقط نعقب على ذيك 600 و700 درهم، أنا ما نظنش مازال شي واحد في المغرب كيخدم بـ 600 ولا 700 درهم. شكرا.

السيدة رئيسة الجلسة:

السؤال الثالث، موضوعه وضعية التعليم الخصوصي بالمغرب، الكلمة لأحد السادة المستشارين من الفريق الاشتراكي لتقديم السؤال.

المستشار السيد أبو بكر اعبيد:

شكرا السيدة الرئيسة.

السادة الوزراء،

Salaire Minimum Interprofessionnel Garanti.
Caisse Nationale de Sécurité Sociale.

السيدات والسادة المستشارين،

إن التكاليف المادية المرتفعة التي تفرضها كل مؤسسات التعليم الخصوصي على الآباء وعلى أولياء التلاميذ واعتاد زيادات صاروخية سنوية دون حسيب أو رقيب، هذه الزيادات جعلت منها مؤسسات تجارية أكثر منها تربوية.

نسائلكم، السيد الوزير، على الإجراءات والتدابير التي تنوي وزارتكم القيام بها من أجل معالجة هذه الإشكالات ووضع حد لهذه الفوضى التي يعيشها التعليم الخصوصي.

شكرا.

السيدة رئيسة الجلسة:

الكلمة للسيد الوزير.

السيد وزير التربية الوطنية والتكوين المهني والتعليم العالي والبحث العلمي: بسم الله الرحمن الرحيم.

مرة أخرى، باش نكون واضح فهاذ القضية هاذي، لا يمكن للإدارة أن تتدخل في (les tarifs) ديال المدارس الخصوصية، هاذي كنظن ما فيها حتى شي حاجة ما تقال.

المصالح اللي (réglementé) راه ولات قليلة في المغرب، الشي الآخر كلو هو تابع للطلب والعرض.

بالنسبة للأثمنة أنا على حسب المعلومات اللي عندنا - يمكن نكونو غالطين - الأثمنة راه كتراوح ما بين راه يمكن تمشي حتى ل 350 أو 400 درهم حتى ل 3000 درهم أو 3500، إذن العرض موجود ومتسع لأي واحد.

اللي محم الآن هو أن هاذ التعليم الخصوصي ولى جزء من التعليم في المغرب وخصنا نشجعوه، دابا راه فيه أكثر من مليون ديال التلاميذ اللي كيمشيو لهاذ النمط هذا، نشجعو التعليم الخصوصي، ولكن في نفس الوقت نعملو باش التعليم العمومي اللي هو مجاني يطلع للمستوى ديالو، باش حتى اللي ماعندوش إمكانيات باش يخلص باش يمشي لمدرسة في المستوى وكتطابق الحاجيات ديال المواطنين.

كنظن هذا هو اللي خاصنا نمشيو فيه، أما نمشيو باش نبداو نراقبو الأسعار ديال المدارس الخصوصية ولا لا، كنظن هاذي طريق ما غتسلكناش.

شكرا.

السيدة رئيسة الجلسة:

الكلمة لأحد السادة المستشارين في إطار التعقيب.

المستشار السيد أبو بكر اعبيد: شكرا السيدة الرئيسة.

شكرا السيد الوزير.

احنا في الحقيقة، السيد الوزير، كنستغربو لهاذ الجواب ديال ما كيمكنش لكم تتدخلوا، إلى الدولة ما يمكنش لها تتدخل فالأسعار، اشكون اللي غيتدخل? راه غتعود فوضى، راه كاينة اللي 3000 درهم، كاينة 5000 درهم.

السيد الوزير،

هاذ الجواب احنا كفريق اشتراكي ما اقنعناش، هذا هو الواقع.

السيد الوزير،

هاذ المدارس أصبحت كالشركات، لا تبحث إلا على الأرباح، أثمنة جد مرتفعة تفوق في بعض المدن 4000 درهم حتى ل 5000 درهم، رسوم التسجيل كذلك جد مرتفعة، الكتب والأدوات المدرسية حدث ولا حرج.

أَكُون معكم صادق، السيد الوزير، إن قلت بأنه الإنسان ملي تيبغي يسجل الأبناء ديالو ضروري خاصو يلتجأ للقروض، إلى ما التجأش للقروض ما يمكنش يدخل اولادو لأنه هو راه مستحيل باش.. خاصو إلى عندو 4 ولا 5 أبناء خاصو تقريبا واحد 20 ألف درهم.

السيد الوزير،

احنا ما تنتفقوش معكم فيما يخص التعليم العمومي نقصيوه، ما خاصناش نقصيو التعليم العمومي وكنطلبو منكم تديروا مجهودات جبارة باش التعليم العمومي يبقى، يبقى ويتقوى لأن هو راه تتعرفوا المشاكل اللي تيعيشها تعليم القطاع العمومي، ما كاين مشكل اللي قدر يمشي للتعليم الخصوصي الله يسهل عليه، ولكن التعليم العمومي راه خاصو يؤخذ بعين الاعتبار.

السيد الوزير،

إلى ابقينا على هاذ الطريقة راه تنشوفو احنا التعليم العمومي راه غادي للهاوية، وتنطلبو تحسين الجودة ديالو في.. وكذلك القضاء على الاضطراب الحقيقي الذي يعرفه هذا القطاع أي التعليم العمومي.

وشكرا.

السيدة رئيسة الجلسة:

الكلمة للسيد الوزير للرد على التعقيب.

السيد وزير التربية الوطنية والتكوين المهني والتعليم العالي والبحث العلمي:

لا، ابغيت غير نأكد هاذ الشي اللي جا في الآخر ديال الكلام ديالكم هو أن الجواب على هاذ الشي ديال الأثمنة هو يكون التعليم العمومي في واحد المستوى عالي، وأنا لست متفقا تماما مع الناس اللي تيقولوا ما كاين ما يتدار، التعليم العمومي امشى، أنا ما متفقش تماما.

أنا شفت دابا الوضعية حقيقة مشاكل كثيرة، ولكن راه ماشي مستحيلة، وأقولها وأكررها، ماشي مستحيلة، راه بتضافر.. بالعكس.. بالحق خاص يكون التضافر ديال الجميع، والحمد لله لحد الآن وأقولها أمام

المجلس ديالكم لا النقابات ولا الإخوان ديال الجمعيات اللي محمّة بالتعليم واللي تتدخل في التعليم كلها تتظهر حسن نية وقابلية للتعاون، باش إن شاء الله بهاذ القطاع نطلعو به للمستوى اللي ابغيتو، إلى ابغيتو نهضرو من هنا 3 سنين ولا 4 سنين إن شاء الله، أنا عندي يقين على أن المؤهلات كلها كاينة عند المغاربة باش يطلعوا التعليم ديالهم، ماشي .. (surtout) ملي تيبدا (la banque mondiale) تقول لنا (ça sera un miracle) إن شاء الله غادي يكون (le miracle)، ولكن ما نكونوش متشامًين ونبقاو متفائلين بالتعليم العمومي ديالنا.

وشكرا.

السيدة رئيسة الجلسة:

شكرا.

السؤال الرابع موضوعه، معايير تعيين خريجي مسلك الإدارة التربوية بالمراكز الجهوية لمهن التربية والتكوين، الكلمة لأحد السادة المستشارين من فريق التجمع الوطني للأحرار لتقديم السؤال.

المستشار السيد محمد البكوري:

شكرا السيد الرئيس.

السيد الوزير،

السيدتين الوزيرتين،

إخواني المستشارين،

السيد الوزير،

من المنتظر أن تفرج وزارة التربية الوطنية والتكوين المهني والتعليم العالمي والبحث العلمي في الأيام القليلة المقبلة عن المذكرات الخاصة بتعيين أطر الإدارة التربوية والدعم الإداري والتربوي الإجتاعي، خريجو مسلك الإدارة التربوية بالمراكز الجهوية لمهن التربية والتكوين.

السيد الوزير، ما هي المعايير التي ستعتمدها وزارتكم لتعيين خريجي مسلك هذه السنة؟

شكرا.

السيدة رئيسة الجلسة:

الكلمة للسيد الوزير للإجابة على السؤال.

السيد وزير التربية الوطنية والتكوين المهني والتعليم العالي والبحث العلمي:

بالنسبة للمعايير ديال.. كاين تقريبا 1000 إطار غادي يتخرج هاذ السنة، وهاذ 1000 إطار كلها غتمشي كمديرين للمدارس الابتدائية أو كحراس عامين في الثانويات، هناك نقص كبير جدا هاذ خلال السنوات الأخيرة وهاذ 1000 ما غاديش تكون كافية وذاك الشي اعلاش غادي نزيدو عليها إن شاء الله في 2018: 1800 آخرين باش يسدوا الخصاص اللي كاين في المديرين ديال المدارس.

(le critère) ،(les critères principals)، بالنسبة للأولويات

المهم هو الحالة العائلية، فمن طبيعة الحال الالتحاق بالزوج أو بالزوجة هما الأولى، هاذي كنظن طبيعية، ثم كنشوفو الحريجين المتزوجين حتى هما عندهم أسبقية، ومن بعد الطبقة الثالثة هو غير المتزوجين كنبداو بالإناث هما الأولى وعاد الذكور، وداخل كل فئة كاين (les classements) ديالهم في التخرج، معناه أن بالنسبة للطبقة الأولى اللي الالتحاق بالزوج أو الزوجة كيكون واحد المجموعة اللي في هاذ الحالة هاذي، وكاين الترتيب ديالهم على حسب النتائج ديالهم الدراسية وكيلتحقوا فهاذ.. إذن المسائل واضحة أظن.

السيدة رئيسة الجلسة:

شكرا.

الكلمة لأحد السادة المستشارين في إطار التعقيب.

المستشار السيد محمد البكوري:

شكرا السيد الوزير، على الجواب ديالكم.

اعلاش طرحنا هذا السؤال السيد الوزير؟ لأنه في السنوات الماضية كان تعيين هؤلاء الأطر الإدارية يتم بناء على نتائج ولوجهم للمركز، وهنا لابد من إثارة الانتباه إلى عدم صواب هذا المعيار، كيفاش احنا غادي نقيمو واحد الإطار على شي حاجة مازال ما اكتسبها. اسمح لي، السيد الوزير، خاص الوزارة تعاود النظر في هاذ الشي.

إذن ما يمكنش نتكلمو على مسلك الإدارة التربوية بلا ما نهضرو على مخرجات هذا المسلك.

هذه السنة الثالثة، السيد الوزير، ومازال هاذ المسلك ما واضحش، ما عندو لا رأس ولا رجلين، كيف يعقل أن أستاذ يتم انتقاؤه وكيدوز الاختبار الكتابي بنجاح ويجتاز المقابلة الشفوية بنجاح، وكيقرا لمدة سنة تقريبا كاملة، فيها النظري وفيها الكتابي، ومن بعد يتوج ذلك بمناقشة بحث نهاية السنة، وباجتياز امتحان التخرج بنجاح ومن بعد كيخرج كيفا دخل، لا دبلوم، لا إطار تربوي لا والو.

إذن أشنو ممكن نسميو هاذ الشي، السيد الوزير، نحن إذا أمام مسلك بدون تسمية ولا أفق ولا مستقبل؟

السيدة رئيسة الجلسة:

شكرا.

الكلمة للسيد الوزير للرد على التعقيب.

السيد وزير التربية الوطنية والتكوين المهني والتعليم العالي والبحث العلمي:

لا، غير على سبيل الفهم فقط، داباً قبل كأنوا الأساتذة من القسم كيدوز مباشرة كيولي مدير مدرسة، راه هاذ الشي اللي كان جاري به العمل لسنوات، دابا تغير النظام، قبل ما يمشي يدخل كمدير للمدرسة كيديروا لو هذاك العام ديال التكوين، هاذ العام ديال التكوين ماشي تكوين كيفاش

يقري لا هذا، ولكن تكوين يتعلق بكيفية تسيير الموارد المالية والبشرية... إلخ، هاذ التجربة بدأت.

اعلاش ما كاينش دبلوم؟ لأن الدبلوم راكم عارفين باش يكون دبلوم كيخص عندو مسائل قانونية ديالو.

ثانيا، ما تعطيش دبلوم باش تقول لواحد راه عندك الحق باش تكون مدير، هاذي مسألة داخلية ديال الوزارة ماشي غياخذ دبلوم يمشي يخدم في شي بلاصة أخرى... إلح، إذن احنا غنمشيو في هذا التجربة وغنكملوها.

فيما يخص النقط، (classement) غادي يتدار على حسب نقط التخرج، بقيت عندنا إشكالية واحدة راه غادي نشوفو كيفاش نحلوها، وهو أن كاين 11 مركز وماشي (sûr) باش المراكز كلها كتنقط بنفس الوسيلة، إذن خاصنا نشوفو باش ما يكونش حيف ما بين المركز والآخر، كنشوفو كيفاش نسويو هاذ القضية ما بين المراكز، ولكن المبدأ هو أن الذي سيؤخذ بعين الاعتبار هو النقط في التخرج.

وشكرا.

السيدة رئيسة الجلسة:

شكرا للسيد الوزير.

السؤال الخامس، موضوعه التصدي للغش في الامتحانات، الكلمة لأحد السادة المستشارين من الفريق الحركي لتقديم السؤال.

المستشار السيد مبارك السباعي:

شكرا السيدة الرئيسة.

السيدات والسادة الوزراء،

السيدات والسادة المستشارين المحترمين،

السيد الوزير،

في الأسابيع القليلة المقبلة إن شاء الله سيقبل التلاميذ على اجتياز الامتحانات، وبما أن ظاهرة الغش وارتفاع حالاتها أثناء إجراء الامتحانات دفع بالوزارة إلى إصدار قانون محاربة الغش عوض معالجة الظاهرة تربويا، وهو ما خلف ردود فعل متباينة داخل المجتمع.

وعلى هذا الأساس، نسائلكم، السيد الوزير المحترم، ما هي التدابير التي ستتخذونها خلال هذه السنة حتى تتم عملية إجراء الامتحانات في ظروف جيدة وتكافؤ الفرص ما بين الجميع وتضمن نجاح هذه الاستحقاقات التربوية؟

شكرا السيد الوزير.

السيدة رئيسة الجلسة:

شكرا السيد المستشار.

الكلمة للسيد الوزير للإجابة على السؤال.

السيد وزير التربية الوطنية والتكوين المهني والتعليم العالي والبحث العلمي: شكرا السيد المستشار.

فيما يخص هاذ المسألة ديال الغش في الإمتحانات، حقيقة ولات ظاهرة يمكن نقولو مقلقة، ملي كنشوفو العدد ديال حالات ديال الغش اللي كانت قبل خمس سنوات أو أربع سنوات، واخا كثيرة 3000، ولكن ليست المقارنة ديالها مع السنوات الأخيرة، أي في 2016 راه تقريبا 16 ألف حالة غش، هاذي غير اللي مضبوطة، معناه كاين حالات آخرين اللي هي غير مضبوطة، وهاذ الشي مقلق جدا، فاللي عملنا هو بعدا في الوزارة في ايخص (les épreuves) يعني الامتحان، أوراق الامتحانات، اخذينا تدابير صارمة جدا لتأمينها، يعني باش تدوز من الرباط وتعطى لمديري الأكاديميات، ها براسهم كيعودوا يدخلوها راكم عارفين هاذ الشي، بمصاحبة الأجمزة الأمنية، باش تكون المسائل كلها مصونة حتى يوم الامتحان.

ابقى لنا النهار ديال الامتحان، النهار ديال الامتحان هاذوك دابا (les) وذاك الشي ما لقيناش الحل، دابا كيقلبوا على (portables) في هذا، من بعد ما كيقلبوا عاود ثاني في الأقسام كيلقاو عاود ثاني واحد المدرسة خرجوا منها (300 portables) من داخل الأقسام، ما عرفنا آش نديرو في هاذ المسألة هاذي، ولكن اللي كيحصل وهنا نأكد عليها - اللي كيحصل راه القانون الجديد راه صعيب بزاف، راه مسألة اللي ما ابقاش مشكل ديال ما غتدوزش الامتحان عام ولا عامين ولا ثلاث ما ابقاش مشكل ديال ما غتدوزش الامتحان عام ولا عامين ولا ثلاث سنين، دبا راه كاين عقوبات حبسية، راه كيشي للحبس اللي تقبط، غير باش يعرفوها الناس، لأن ما كاينش شي حل آخر من غير هذا، من غير الزجر، وما اعرفتشاي بصراحة حتى اللي كيغش ما اعرفتش اعلاش الزجر، وما اعرفتشاي بصراحة حتى اللي كيغش ما اعرفتش اعلاش عادي يوصلوا؟ ها هو كاع خذا الباك، ومن بعد؟ فين غادي يوصل ؟ غادي يمشي عاود ثاني للجامعة غادي يحصل عاود ثاني، غادي يبقى يغش طول حياتو، ما يمكنش.

إذن هاذ المسألة هاذي فيها كنوجمو دعوة للآباء والأممات ومن طبيعة الحال التلاميذ باش هاذ المسألة هاذي بلاصة ما يضيع وقتو في يشوف كيفاش يغش أحسن يضيع وقتو باش.. أحسن، اللهم أحسن تعاود في دورة استدراكية ولا حتى عام ولا تصدق في المحاكم وفي مسائل أخرى.

السيدة رئيسة الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد مبارك السباعي:

شكرا، السيد الوزير، على جوابكم المقنع.

حقيقة، احنا تنهنؤوكم، السيد الوزير، على المجهودات الجبارة اللي تتقوموا بها.

فيما يخص الجواب ديالكم على السؤال اللي سبق من هذا، المقاربة التشاركية لأن واحد العدد ديال الأساتذة كانوا متذمرين 10 سنين، زيد على ذلك غير باش يطلبوا الالتحاق بالزوج، هذا تنطلبو هذا مجهود كبير اللي اخذيتو، السيد الوزير، وتنهنؤوكم عليه.

فيا يخص، السيد الوزير، هاذ العمليات الزجرية هي في الحقيقة قانون، والقانون واضح ولكن خاصنا نحسسو أولادنا ونحسسو بناتنا في إطار الإعلام واسميتو باش ما يطيحوش هاذ الوليدات فشي مشاكل اللي هي فالحقيقة القانون راه واضح، لأن عملية الزجر وهاذ المجهودات الجبارة اللي كتقوموا بها السيد الوزير.

فيما يخص هاذ الامتحانات الموحدة واللي فالحقيقة اعطيتوها واحد الأهمية كبيرة وغتكون في سرية تامة، هاذ الشي شفناه فالإعلام بأنه غتكون مراقبة مشددة، وهذا هو اللي تنطلبو منكم، السيد الوزير، والمسائل الزجرية راه احنا حقيقة كون عندكم واحد اسميتو باش تسهلوا على التلاميذ وعلى الطلبة، لأن المسائل الزجرية ما اعطاتش النتيجة ديالها.

شكا.

السيدة رئيسة الجلسة:

شكرا السيد المستشار.

السؤال السادس موضوعه التحاق الأطر التعليمية بأزواجهم، الكلمة لأحد المستشارين من الفريق الدستوري الديمقراطي الاجتماعي لتقديم السؤال.

المستشار السيد إدريس الراضى:

شكرا السيدة الرئيسة المحترمة.

السيدات والسادة الوزراء،

السيدات والسادة المستشارون المحترمون،

السيد الوزير،

لقد عانى نساء ورجال التعليم من مشكل الالتحاق بالأزواج ديالهم وما كان لذلك من انعكاسات سلبية على الحياة الأسرية، بل ومستقبل ومصير الأبناء ديالهم، مما دفع الحكومات المتعاقبة وبتشاور مع الفرقاء الاجتاعيين إلى ابتكار حلول وتدابير تحد من انعكاسات هذا المشكل، مما دفعنا إلى طرح هذا السؤال راجين من وراء ذلك الاطلاع على المنهجية ديالكم للتعامل مع هذه الإشكالية، وكان جوابكم، السيد الوزير، قبل انعقاد هذه الجلسة، وذلك من خلال تدبيركم للحركة الانتقالية الوطنية لهذه السنة والتي كانت نتائجها قياسية، بحيث لم يسبق أن استفاد هذا العدد المهم من رجال التعليم من نتائج الحركة الانتقالية الوطنية.

لا نخفيكم سرا أن الجميع استبشر خيرا بهذه النتائج الغير مسبوقة، ولا يسعنا بهذه المناسبة إلا أن ننوه بهذه التدابير والتي اعتمدت أساسا على إرضاء رغبات أولئك الراغبين في الانتقال من مديرية إقليمية إلى أخرى،

وبتعبير أدق تأجيل التباري بين الراغبين في ذلك داخل نفس المديرية الإقليمية إلى استحقاق الحركة الانتقالية الجهوية والإقليمية واعادة الانتشار.

غير أنه، السيد الوزير، الاكتفاء بتلبية الطلب على مستوى المديرية الإقليمية المرغوب فيها وتجاوز تحديد المؤسسة المعينة ترك انطباعا، بل تخوفا لدى رجال التعليم، مراده أن يعينوا خارج المؤسسات التي يرغبون فيها، مما قد يفرغ هذه العملية من محتواها ويتم المساس بمبدأ الالتحاق بالزوج أو الزوجة.

السيد الوزير،

واثقون من تفهمكم أن معالجة هذا المشكل سينعكس إيجابا على حياة هؤلاء، وتعلمون كذلك أن الاستقرار النفسي لرجل التعليم سيساعده على العطاء، كما سيساهم في الحد من ظاهرة الغياب والحد كذلك من الهدر من الزمن المدرسي، ولاسيما في مدارس العالم القروي، وبالتالي تعود هذه النتائج على أبناء جميع المغاربة وعلى مستواهم الدراسي، وبالتالي ما رأيكم، السيد الوزير، في كل ما بسطناهم أمامكم خاصة أنكم تعرفون القطاع جيدا لأنكم كنتم عضوا في لجنة التعليم سنة 1995، الله يرحم الحسن الثاني؟ شكرا.

السيدة رئيسة الجلسة:

شكرا السيد المستشار المحترم، شكرا.

الكلمة للسيد الوزير.

السيد وزير التربية الوطنية والتكوين المهني والتعليم العالي والبحث العلمي: شكرا السيد المستشار.

كما جاء في التدخل ديالكم هاذ المسألة ديال تفريق العائلة، واحد الرجل خدام في جيه والمرا خدامة في جيه، حقيقة أقل ما يقال عنها أنها تتخلق مشكل نفسي ومشكل ديال يعني في العمل ذاك الشي اعلاش هاذ العام قلنا غادي نحاولو الاستجابة لأكثر عدد ممكن من الطلبات، ففيما يخص غير طلبات للالتحاق بالزوجة ما تنهضرش على الطلبات الأخرى، العدد ديالها 6500 اللي توصلنا بها هاذ العام، تمت تلبية تقريبا 5800 منها يعني كلها.

أما بالتعليم الإبتدائي تقريبا كلشي تلبت 4700 طلب، 4700 طلب 4600 تلبت.

هذا في المرحلة الأولى درنها على الصعيد الوطني باش يمشي التحويل من الإقليم اللي كان فيها الشخص أو السيدة إلى إقليم آخر، داخل الإقليم أش غادي يوقع؟ كاين هناك طلبات كذلك للانتقال كذلك داخل الإقليم فاللي غادي يجي من خارج الإقليم ولا من داخل الإقليم غيتباراو على نفس المناصب بنفس النقط، يعني هذاك اللي جاي من على برا تيبقاو، تيبقاو المناصب بنفس النقط، تيبقى هو هذاك اللي جاي من على برا تيبقاو، تيبقاو (classement) ديالو، تيبقى هو هذاك النقط ديالو تتبقى عندو، وهاذي أحسن من هذاك (système) اللي كان قبل لأن (système) اللي كان قبل كانوا كيداو بالانتقالات داخل الإقليم. هاذوك اللي داخل الإقليم قبل كانوا كيداو بالانتقالات داخل الإقليم. هاذوك اللي داخل الإقليم

كياخذوا ذاك الشيء اللي ابغاو، وذاك الشيء اللي جاي من على برا تيبقى حاصل.

دابا ملي غادي يجي من على برا من إقليم ولا داخل إقليم غادي يكونوا في نفس الوضعية وغادي يكون (classement) ديالهم مجموعين ماشي كل واحد بوحدو، وتنظن بالنسبة للناس المتزوجين واللي غادي يلتحقوا بالزوج ديالهم أو الزوجة ديالهم تيحتفظوا على النقط ديالهم، معناه أن رب في الغالب في الغالب في الغالب في الغالب غادي تلبي الرغبة ديالهم، واتفقنا مع النقابات بما أن التدبير ديال هاذ المسألة هذي غادي يكون داخل الإقليم، العدد ماشي كثير، ماشي بحال على الصعيد الوطني كاين 20.000 ولا اللي تنقلت هاذ العام، ولكن داخل الإقليم غادي تكون ربماكل إقليم معدل إلى احسبتو غتكون واحد 500 ولا 040 التدبير ديالها حتى يعني حتى بالتوافق غادي يكون سهل، ذاك الشي باش اتفقنا مع النقابات قلنا ملي غادي تجي للإقليم غادي تولي مسألة سهلة، ما ابقاتش شي حاجة صعيبة بزاف. إلى كان شي حالة اجتاعية ولا عائلية خاصة ولا هذا راه لابد نلقاو لها الحل إن شاء الله.

شكرا.

السيدة رئيسة الجلسة:

شكرا، شكرا، نشكر السيد الوزير وكاتب الدولة على المساهمة في هاته الحلسة.

والسؤال الموالي الموجه للسيد وزير الصحة، وموضوعه احترام آجال إنجاز بعض المشاريع الاستشفائية، والكلمة لأحد السادة المستشارين من فريق الأصالة والمعاصرة لتقديم السؤال.

المستشار السيد العربي المحرشي:

السيدة الرئيسة،

السادة الوزراء،

السيدات والسادة البرلمانين،

أوصى المجلس الأعلى للحسابات في التقرير السابق وزارة الصحة باحترامما للمخططات الإستراتيجية حول بناء مجموعة ديال المستشفيات اللي الترمت بها.

وشكرا.

السيدة رئيسة الجلسة:

الكلمة للحكومة للرد على السؤال.

السيد مصطفى الخلفي، الوزير المنتدب لدى رئيس الحكومة المكلف بالعلاقات مع البرلمان والمجتمع المدني والناطق الرسمي باسم الحكومة: شكرا السيدة الرئيسة.

السيد المستشار،

فعلا كتسجل حالات ديال التأخر في إنجاز بعض المشاريع، وفي البداية كنبلغ الاعتذار ديال السيد وزير الصحة، راه جا في البداية ولكن لوجود التزام نشاط ملكي اضطر يغادر وكلفني بالجواب نيابة عليه.

قلت فعلا كتسجل حالات ديال إكراهات حالات ديال التأخر في إنجاز بعض المشاريع المرتبطة في قطاع الصحة في العمليات ديال البناء، إما أحيانا الإكراهات تتكون مالية، البرمجة ديال المشاريع أو إكراهات مرتبطة بالوعاء العقاري، مشاكل قانونية بالموقع، بالمساحة، بالمستلزمات اللي كتواكب العملية ديال توفير الوعاء العقاري اللازم لعملية البناء، أو مشاكل مرتبطة بالشركات ومكاتب دراسات في بعض الحالات مثلا في "تيسة" وكانت حالة ديال وفاة صاحب الشركة واللي أدت من بعد إلى أن البرنامج بأكمله عرف تعثر، بالإضافة إلى أسباب أخرى.

الآن، وزارة الصحة امشات في التوجه ديال ترفع يدها على عملية البناء، ويكون تكليف القطاعات الحكومية المعنية، إما مديرية المنشآت العامة في وزارة المالية، وهذا هو اللي حاصل حاليا في المشاريع اللي كاينة على مستوى الناظور والحسيمة وتنغير ومشاريع أخرى. وشكرا.

السيدة رئيسة الجلسة:

شكرا.

الكلمة لأحد السادة المستشارين في إطار التعقيب.

المستشار السيد العربي المحرشي:

السيد الوزير المحترم،

احنا ابغيناكم تحترموا في الحقيقة الذكاء ديال المغاربة، لأن هذا المجلس الأعلى للحسابات تيبين الاختلالات اللي كاينة في وزارة الصحة، وملي كنتكلمو على وزارة الصحة كنتكلم على باقي القطاعات ديال الحكومة.

السيد الوزير،

كاين اتفاقيات توقعت أمام صاحب الجلالة، في 2010 اتفاقية توقعت في سلا ولازالت إلى حدود الساعة حبيسة الرفوف، اتفاقيات اللي توقعت في 2015 في تطوان بحضور صاحب الجلالة وكانت التزامات ديال وزارة الصحة وديال وزير الصحة، بناء المستشفى الإقليمي ديال الحسيمة ومجموعة ديال الملحقات داخل إقليم الحسيمة، وكانت 21 قطاع وزاري وقعوا أمام جلالة الملك في تطوان، وقع التعثر ديال مجموعة ديال المشاريع اللي كان من المفروض أنها تخرج للنور ويلاحظوها المواطنين كان بعدا على الأقل المواطنين يفهموا بأن راه الحكومة الترمت بالاتفاقيات اللي توقعت أمام صاحب الجلالة وما يكونش هاذ الاحتقان اللي كاين في الحسيمة.

الآن، السيد الوزير المحترم، شفنا في 2011 السيد رئيس الحكومة الحالي السي العثماني دعا في الحسيمة وطلب من الشباب باش يطلبوا بالحكم الذاتي ها واحد، رئيس الحكومة السابق السي عبد الإله إبن كيران في لقاء

مع الحزب ديالو قال بأن هو ما تيعرفش الحسيمة فين جات.

دابا الآن، السيد الوزير، الأغلبية وقعت على بيان واتهمت الناس بأنهم انفصاليين، وفي الأخير تراجعت على البيان ديالهم، اللي تيعتقل ويضرب وينتهك الحقوق الحكومة، وتتجي الحكومة من خلال الأحزاب ديالها تتقول اللهم هذا منكر، كيف يعقل، السيد الوزير، المواطنين يثيقوا بهذه الحكومة هي تضرب وتنتهك وتتقول اللهم هذا منكر، سبحان الله، إذا كانت هاذ الحكومة هي اللي تتحكم وهي اللي تتخرق القانون وهي اللي ترتكب واحد المجموعة ديال التجاوزات وهي اللي ما كتحترمش اتفاقيات الشراكة لا اللي موقعة بين القطاعات ولا الاتفاقيات اللي توقعت أمام جلالة الملك، وتتجي الآن وتتقول الحكومة كاين تجاوزات، كاين خروقات، اشكون اللي دار هاذ الخروقات؟ اشكون اللي تيحكم؟ اشكون اللي مسؤول على هاذ التجاوزات؟ اشكون اللي مسؤول على هاذ التأخيرات؟ اشكون اللي مسؤول على البيان الأخير ديال مسؤول على البيان الأخير ديال الاتهام ديال منطقة بكاملها بأنها فيها انفصاليين، وتتراجعوا وهاذ الشي تدار بخضور وبرئاسة السيد رئيس الحكومة.

السيد الوزير،

عفاكم، رجاء، احترموا الذكاء ديال المواطنين، احترموا المغاربة، ما يمكنش حكومة تستبلد المغاربة.

السيدة رئيسة الجلسة:

شكرا السيد المستشار.

الكلمة للسيد الوزير للرد على التعقيب.

السيد الوزير المنتدب لدى رئيس الحكومة المكلف بالعلاقات مع البرلمان والمجتمع المدني والناطق الرسمي باسم الحكومة:

إذن إلى كنتي كتعتبر الحكم الذاتي هو انفصال إذن مبادرة الحكم الذاتي اللي قدمما المغرب للأمم المتحدة انفصال فيا يتعلق بالصحراء المغربية. هذا شيء خطير أننا نحرفو ونعطيو تأويلات على النقيض، المغرب اختار اختيار الجهوية المتقدمة وغادي يمشى فيه.

ذكاء المغاربة كيقتضي أننا فاش نجيو نسألو بعض الأسئلة اللي مرتبطة بالأجرأة ديال المشاريع نجيبو هاذ المشاريع، فين كاين المشكل؟ وإلا المستشفى الإقليمي ديال سلا راه في 2017، في هاذ السنة مقرر الانتهاء ديال الأشغال، وإلا أنا هنا عندي قائمة ديال عدد من المشاريع 109 ديال المؤسسات ما بين 2012 و 2016 اللي تم التمكن من الفتح ديالها، اعلاش؟ لأنه تدارت إجراءات لمعالجة هاذ الإشكال.

القضية ديال أن الأغلبية اجتمعت واتهمت منطقة بكاملها أنها انفصالية، البيان ديال الأغلبية اللي موثق وموقع ما فيهش هاذ الشي، إلى كانت تصريحات مرتبطة ببعض الأحزاب، الأحزاب، أما الموقف ديال الحكومة كان واضح وحاسم وبالنسبة إلينا ما نسمحو بحتى شي واحد يتهم الريف بأنه

انفصالي، أهلنا في الريف هما اللي دافعوا على الوحدة ديال المغرب في الجنوب، وبالتالي ما نقولوش الأمور باش نسجلو إصابات ولا نديرو مزايدات، نحترمو.. هاذي واحد المرحلة كتقتضي من الجميع الإنصات والحوار والعمل على حل الإشكالات اللي كتثار في إطار القانون، وهذا هو التوجه ديالنا.

وشكرا.

السيدة رئيسة الجلسة:

شكرا، شكرا السيد الوزير، على مساهمتكم.

وننتقل للسؤال الأول الموجه للسيدة وزيرة الأسرة والتضامن والمساواة والتنمية الاجتماعية، وموضوعه احتساب الأقدمية المكتسبة لبعض مستخدمي التعاون الوطني، الكلمة لأحد السادة المستشارين من فريق الاتحاد المغربي للشغل لتقديم السؤال.

المستشارة السيدة فاطمة الزهراء اليحياوي:

شكرا السيدة الرئيسة.

السيدتان الوزيرتان،

السادة الوزراء،

السيدات والسادة المستشارون المحترمون،

رغم تنصيص النظام الأساسي لمستخدمي التعاون الوطني على الاحتفاظ بالأقدمية المكتسبة وسريان مقتضيات النظام العام للوظيفة العمومية على المستخدمين، فقد تم حرمانهم من سنوات الأقدمية التي تراوحت بين 10 و34 سنة عند ترقيتهم.

السيدة الوزيرة، ما هي الإجراءات التي تعتزمن القيام بها من أجل تصحيح هذه الوضعية؟

شكرا.

السيدة رئيسة الجلسة:

شكرا السيدة المستشارة.

الكلمة للسيدة الوزيرة للإجابة على السؤال.

السيدة بسيمة الحقاوي، وزيرة الأسرة والتضامن والمساواة والتنمية الإجتاعية:

بسم الله الرحمن الرحيم والصلاة والسلام على سيد المرسلين. السيدة المستشارة المحترمة،

طبعا يؤسفني أن مشكل اليوم كيتطرح وكان ممكن يتحل هاذي 34 عام، ما دام كتقولي بأن المشكل قائم هاذي 34 سنة.

مؤسف جدا أن اليوم نطرحوه كموضوع عاد خاصنا نشوفو أشنو هي الحلول ديالو، لكن خاصنا نكونوا عارفين بأن التعاون الوطني واحد المؤسسة اللي كانت عندها واحد الوضعية خاصة، الموظفين اللي عندها يا

وشكرا.

السيدة رئيسة الجلسة: شكرا.

الكلمة للسيدة الوزيرة.

السيدة وزيرة الأسرة والتضامن والمساواة والتنمية الإجتاعية: السيدة المستشارة،

يمكن ما عندكش المعطيات اللي كتبين بأن الوضع تحسن بالفعل، بطريقة محمة جدا، وهي الانتقال بالترقية الاستثنائية في الدرجة عن طريق امتحانات الكفاءة، إذن ولى واحد العدد قليل جدا هما اللي عنهم هاذ المشكل، هاذ الناس 14 منهم تفضلوا بتقديم دعاوى قضائية، لكن جاءت الأحكام لصالح الإدارة.

إذن، احنا واحد الدولة ديال المؤسسات، واحد الدولة ديال القانون، فانضباطنا للمؤسسات وانضباطنا للقانون يجعلنا أمام وضعية صعبة من حيث الحل، وأن المعنيين بها لهم طرق أخرى للترقية في مناصبهم، يا إما بالامتحانات، يا إماكيف ما قلناكيلقاو راسهم في درجة استثنائية، إذن ما ابقاتش هاذ الوضعية ديال السلم 8 بالشكل اللي تكلمت عليه، اعلاش؟ لأنهم استاطعوا يحسنوا من الوضعية ديالهم عن طريق الترقية الاستثنائية

السيدة الرئيسة الجلسة:

شكرا السيدة الوزيرة على مساهمتكم.

وننتقل للسؤال الأول موجه للسيد وزير الشغل والإدماج المهني، وموضوعه تشغيل ذوي الاحتياجات الخاصة، الكلمة لأحد السادة المستشارين من فريق الأصالة والمعاصرة لتقديم السؤال.

المستشارة السيدة نجاة كمير:

شكرا السيدة الرئيسة.

السيدات والسادة الوزراء المحترمين،

السيدات والسادة المستشارين المحترمين،

السيد الوزير،

إن من واجبات الدولة تجاه المواطن ضان حقه في الشغل، لا سيما إذا تعلق الأمر بذوي الاحتياجات الخاصة، إذ بدون شغل لا يمكن لهذه الشريحة من المواطنين أن يحققوا ذواتهم داخل المجتمع بما يحفظ كرامتهم.

وكما تعلمون، السيد الوزير، صدر في عهد الحكومة السابقة مرسوم يمنع التوظيف المباشر دون الإشارة إلى تخصيص مباراة تراعي خصوصية هذه الفئة.

لذلك، نسائلكم، السيد الوزير، ما هو تصور الحكومة لإدماج ذوي الاحتياجات في سوق الشغل؟ إما كيكونوا في إطار التسيير الإداري أو التسيير الحسابي، وكان تقريبا عموم المشتغلين هم أعوان، مستخدمين وكاين بعض المتصرفين، كذلك كاين بعض المربين اللي هما يا إما كيكونوا يا مدربين أو مرشدين.

الآن، في 2003 تدار نظام أساسي للتعاون الوطني، إذن بدا التغيير، في 2004 خرجوا هاذ الناس من الوضع ديالهم الخاص المرتبط بالمؤسسة إلى الوضع اللي مندمجين فيه سائر الموظفين في الدولة أي في الوظيفة العمومية، أشنو اللي وقع؟

اللي وقع هو بالفعل تم تحسين وضعية هؤلاء بما هو أرقى، كما جاء في النظام الأساسي، وأخذ بعين الاعتبار الأقدمية المكتسبة، الآن اللي وقع هو أنه كاين مطالب، هذيك المطالب طرحت على لجنة مشكلة من المؤسسة نفسها ووزارة الاقتصاد والمالية ووزارة الوظيفة العمومية.

فتبين انطلاقا من المعطيات اللي عند وزارة المالية المرتبطة بمالية الدولة ومختلف الوضعيات المشابهة في الإدارات الأخرى بأن الأمر يستحيل أن يطبق على الشكل الذي يطالب به هؤلاء، فإذن وصل الأمر إلى هاذ الوضعية هاذي، لكن وضعهم تحسن وممكن أننا نرجعو إليه من بعد ما نسمع التعقيب ديالك.

السيدة رئيسة الجلسة:

شكرا للسيدة الوزيرة.

الكلمة لأحد السادة المستشارين في إطار التعقيب.

المستشارة السيدة فاطمة الزهراء اليحياوي:

شكرا السيدة الوزيرة.

هي في الحقيقة احنا كنراهنو على تفاعلكم مع هاذ الملف، وعلى إعطاء الأهمية القصوى اللي كيحتاجما، كنرجع أن الإدارة تجاهلت المادة 11 من النظام الأساسي الخاص بمستخدمي التعاون الوطني الصادر أواخر 2003 كما ذكرتم، والتي تنص على إدماج المستخدمين بمقرر لمدير التعاون الوطني، كما تنص المادة 12 على الاحتفاظ بالأقدمية المكتسبة من أجل الترقي في الرتبة والدرجة.

السيدة الوزيرة،

وعلى الرغم من مراسلة اللجان الثنائية المتساوية الأعضاء لمدير التعاون آنذاك من أجل تصحيح الوضعية قبل ترقيتهم، كما أن الإدارة تعمدت آنذاك عدم تمكين المستخدمين من قرارات إدماجهم الأصلية في حينه، واكتفت بإعطائهم نسخ منه وبعد أكثر من ثلاث سنوات من ترقيتهم.

السيدة الوزيرة،

مؤكد أنكم تشاطرنتي الرأي، هل يعقل أن يبقى مستخدم التعاون الوطني حبيس السلم الثاني، بينما نظيره في الوظيفة العمومية ارتقي إلى السلم 11 أو خارج السلم، مع العلم أنه تم توظيفها في وقت واحد وفي نفس

شكرا السيد الوزير.

السيدة رئيسة الجلسة:

شكرا.

الكلمة للسيد الوزير للإجابة على السؤال.

السيد محمد يتيم وزير الشغل والإدماج المهني: شكرا للسيدة المستشارة على تفضلكم بطرح هاذ السؤال.

أود أن أؤكد أن الحكومة تتوفر على سياسة عمومية واضحة متكاملة فيها يتعلق بموضوع ذوي الاحتياجات الخاصة، كينطلق بطبيعة الحال من.. ويهدف إلى تفعيل المبادئ الدستورية التي تنص على ضرورة العناية بهذه الفئة، وأشير إلى أن البرلمان سبق أن صادق على قانون إطار كيحمي هؤلاء الأشخاص ويسير في الاتجاه ديال تأمين ديال المساواة ديالهم مع غيرهم من المواطنين.

الآن فيا يتعلق بالتشغيل، أود أن أشير على أن الإستراتجية الوطنية للتشغيل خصصت حيزا هاما للبرامج الإرادية لإنعاش التشغيل، وركزت في إحدى محاورها على هذه الفئات، على عدد من الفئات وخاصة الأشخاص في وضعية إعاقة، وتم التأكيد على توفير عدد من الإجراءات التي ستساعدها على ولوج سوق الشغل من خلال وضع تحفيزات مالية، اجتماعية، ضريبية بالنسبة للمقاولة أو الشخص في وضعية إعاقة.

المسألة الثانية، وزارتنا والوكالة الوطنية لإنعاش الكفاءات والتشغيل مع وزارة الأسرة والتضامن مع الوكالة ديال التنمية الاجتماعية، كاين عندنا واحد الاتفاق إطار، وهاذ الاتفاق كيهدف إلى تيسير إدماج الأشخاص في وضعية إعاقة في الحياة المهنية.

وبطبيعة الحال بالنسبة للوكالة وبالنسبة للوزارة ستتولى تعزيز ديال المواكبة ديال هاذ الشريحة من المواطنين من خلال برامج تستهدف تحسين قابليتهم للتشغيل وإدماجهم في إطار التشغيل المؤقت وكذا مواكبتهم أيضا من أجل خلق مقاولات صغيرة أو متوسطة.

ونحن نعمل في الوكالة في مستقبل الأيام على استكمال تكوين عدد من مستشاري التشغيل في مجال التوجيه ومساعدة وإرشاد الأشخاص في وضعية إعاقة داخل الوكالات الجهوية والمحلية للإنعاش والكفاءات مما يساعد على الحاجيات ديال أصحاب هاذ الفئة، وكاين تدابير أخرى تتعلق بالتوظيف سأوضحها بعد تعقيبكم.

السيدة رئيسة الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشارة السيدة نجاة كمير:

شكرا السيد الوزير.

الحقيقة، السيد الوزير، بالنسبة لطرحي لهاذ السؤال جاء بناء على الوضعية الإنسانية اللي كيعيشوها هاذ الأشخاص في وضعية إعاقة، واللي كتدفعهم طبعا للاحتجاج بشكل يومي أمام هاذ القبة المحترمة.

أولاً، أنا كنوه إلى كانت هاذ الإستراتجية هي اللي عندكم، فأنا كنوه بها بشكل كبير، لأن على الأقل يعني بالنسبة لي لأن تفعيل الدستور والقوانين راه في الصالح ديالنا.

بالنسبة لي، السيد الوزير، ولكن هذا ما كيمنعش بأن عندي واحد جوج ديال الإشارات، واحد جوج النقط اللي غنشير لهم، بالنسبة للحكومة السابقة تكلمت على تخصيص مليار كمنحة لدعم الأشخاص في وضعية إعاقة، وذلك عبر صندوق التاسك الاجتاعي. إلى سمحت، السيد الوزير، تعطينا أشنو وفين وصلتو في الالتزام؟ وتعطينا عبر إحصائيات دقيقة شكون اللي استافد؟ الناس اللي استافدوا إلى أي حد زعا استطعتو أنكم تخرجوا أولا تصرفوا هاذ الصندوق؟

ثاني حاجة، السيد الوزير، بالنسبة للبرنامج الحكومي ديالكم، التزمتم بتفعيل نسبة 7% الخصصة للأشخاص في وضعية إعاقة في الوظيفة العمومية، أشنو هي الإجراءات العملية اللي درتو لتفعيل هاذ المقتضى؟

بالإضافة لهذا، السيد الوزير، عندنا بالنسبة للمجلس الاقتصادي والاجتاعي والبيئي أشار في التقرير الأخير ديالو إلى إصلاح نظام الكوطا الخاص بهذه الفئة ليشمل القطاع الشبة العمومي والقطاع الخاص، فين وصلتوا إلى سمحت، السيد الوزير، فين وصلتو لتفعيل رأي المجلس؟ شكرا.

السيدة رئيسة الجلسة:

.... د

الكلمة للسيد الوزير للرد على التعقيب.

السيد وزير الشغل والإدماج المهني:

بالدعم وليس دعما مباشراً، كيمشي وغيمشي لهاذ البرامج اللي تكلمت عليها مليار و100 مليون غادي تخصصت لكل هذه البرامج التي تتم الإشارة إليها.

فيما يتعلق بالمناصب ديال 7% الحكومة خرجت واحد المرسوم اللي عادي يمشي في الاتجاه ديال تدبير المناصب المالية ديال سنة 2017 اللي عادي يتخصص لمباريات خاصة بهؤلاء، وكاين عادة تيبقى لهؤلاء سيبقى لهم الحق في التباري على كافة المناصب المالية في كل المباريات الأخرى، فإذن المرسوم خرج والتفعيل ديالو غادي تتابعو الوزارة المختصة اللي هي معنا السيدة الوزيرة اللي تتأكدها المعطيات التي أشير إليها.

السيدة رئيسة الجلسة:

شكرا للسيد الوزير.

السؤال الثاني ورد بشأنه طلب تأجيل من الفريق الاستقلالي، إذن نشكر السيد الوزير.

والسؤال الموالي موجه للسيد الوزير المنتدب لدى رئيس الحكومة المكلف بإصلاح الإدارة وبالوظيفة العمومية وموضوعه محاربة الرشوة، الكلمة لأحد السادة المستشارين من فريق الأصالة والمعاصرة لتقديم السؤال.

المستشار السيد عبد العزيز بنعزوز:

رمضان كريم للجميع.

السيد الوزير،

ابغيت نسولك واش عوالين تستمروا على نفس السياسة ديال الحكومة السابقة في التطبيع مع الرشوة، أو أن في هاذ الحكومة جبتو شي تدابير وإجراءات اللي تحاربوا بها هاذ الآفة الخطيرة على المجتمع وعلى الدولة؟ شكا.

السيدة رئيسة الجلسة:

شكرا.

الكلمة للسيدة الوزير للإجابة على السؤال.

السيد محمد بنعبد القادر، الوزير المنتدب لدى رئيس الحكومة المكلف بالإصلاح الإدارة وبالوظيفة العمومية:

تنشكر فريق الأصالة والمعاصرة على طرح هاذ السؤال.

الرشوة ماشي ظاهرة خاصة بالمملكة المغربية، هي ظاهرة عالمية والشعوب اللي قضت على الرشوة هي الشعوب اللي استطعت تخرج موضوع الرشوة من مجال السجال السياسي وتفرغو من الشحنة العاطفية ديالو، ورؤساء أحزاب، رؤساء الحكومات تيتابعهم القانون ومريضنا ما عندو باس وتستمر الحياة عادية، إذن لا مجال للحديث عن شي تطبيع.

المغرب قطع أشواط في هاذ الشأن تتوج بالدستور اللي كرس مبادئ الحكامة الجيدة وأخضع المرافق العمومية لمبدأ المحاسبة والمسؤولية والشفافية. وبطبيعة الحال هاذ الشي ماكانش كافي، لذلك كاين واحد الإستراتيجية وطنية اللي هي واحد اللحظة متقدمة في تحقيق لحظات الالتئام في المجتمع المغربي، هاذ الإستراتيجية راه ساهموا فيها فعاليات ديال المجتمع المدني والقطاع الخاص والحكومة، والإستراتيجية الآن موجودة ومتكاملة والحكومة والوزارة المعنية منكبة في هاذ اللحظة اللي احنا كنتحدثو فيها على وضع اللمسات الأخيرة للإجراءات الإستعجالية لتفعيل الإستراتيجية الوطنية المحاربة الشوة.

السيدة رئيسة الجلسة:

شكرا.

الكلمة لأحد السادة المستشارين في إطار التعقيب.

المستشار السيد عبد العزيز بنعزوز: السيد الوزير،

النهار اللي تبغيو تغمقوا على شي حاجة تتجيبو تقولوا لنا الإستراتيجية، أنا سولت على التدابير، التدابير هو إجراءات محددة ودقيقة لمحاربة هذه الآفة، وهي آفة خطيرة جدا وغادا وتتستشري في المجتمع وفي المؤسسات ديال الدولة، بحيث أننا يمكن لنا نوصلو نقولو أن هناك مؤامرة للتواطؤ، واحد المؤامرة ديال الصمت حول هاذ الآفة الخطيرة جدا.

نحكي لكم واحد القصة، السيد الوزير:

هاذو واحد المجموعة ديال المواطنين هبطوا للبحر، امشاو يصيدوا الحوت، وممنوع ذاك الحوت يتصيد، وصيدوه على خاطرهم، لساعات وها في البحر، ما وقفهم حتى واحد رغم أنه كاين مصالح اللي خاصها تدير دوريات، وخرجوا ذاك الحوت وممنوع يتصيد، ودخلوه للمرسى، ممنوع يدخل للمرسى، وما داوهش للسوق (لا لوخا) كيتسمى هاذ السوق بالسبلونية (لا لوخا) تيعرفوه الناس ديال الريف، ما امشاش لـ (لالوخا)، و(لالوخا) عندها المراقبين 24 على 24 ساعة، وتباع ذاك الحوت في السوق السوق السوداء وجا وتهز وتدار في الكاميو، والكاميو داز في الحواجز، والحواجز، السيد الوزير، 24 على 24 ساعة، وخرج الكاميو وامشى في الشارع في وسط المدينة، جا حتى جا يخرج للبلاكة ديال 40 (دابا ولات البلاكة ديال 60) خارج المدينة ورجعوه وجابوه للكوميساريا، وتدار اللي تدار وأدى إلى وفاة مواطن بريء اللي اسميتو محسن فكري، الله يرحمو في هاذ النهار.

من المسؤولية؟ واش الناس اللي كانوا في البحر اللي خاصهم يتراقبوا؟ واش الناس اللي خلاو الجوت يتباع بدون وجه قانون؟ واش الناس اللي خلاو الحوت يتباع بدون وجه قانون؟ واش الناس اللي مسؤولة، الحوت يدوز الحواجز يعني "الباريرة"، البراج، هي الرشوة اللي مسؤولة، ولكن من المسؤول عن هاذ الرشوة؟ واش وزارة الصيد البحري؟ واش وزارة الداخلية؟ اشكون اللي يتعاقب؟ من كان من الأجدر أن يعاقب؟ بدل ما يتعاقبوا موظفين بسطاء، وكيتعاقبوا اليوم مواطنين اللي كيتعتقلوا على الأقل واحد الجزء هام اللي كنعرفو أنا شخصيا بدون وجه حق وبدون وجه قانون، وهناك تجاوزات في هاذ الباب، اليوم.

السيدة رئيسة الجلسة:

شكرا السيد المستشار.

الكلمة للسيد الوزير للرد على التعقيب.

السيد الوزير المنتدب لدى رئيس الحكومة المكلف بالإصلاح الإدارة وبالوظيفة العمومية:

ما عنديش شي تعقيب على هاذ القصة، لأنها معروضة على القضاء، وفيها معطيات محمة جدا كذلك تكشف على مفهوم الشهادة ومفهوم البيع في السوق السوداء.

اللي يمكن نوضح هو أن في هاذ اللحظة هاذي كاين جوج ديال المراسيم

اللي مبرمجين في المجلس الحكومي، المرسوم الأول يتعلق بكيفية تلقي الملاحظات والشكايات والاقتراحات ديال المرتفقين وكيفية معالجتها، والمرسوم الثاني هو مرسوم يقضي بإنشاء اللجنة الوطنية اللي غادي تصبح ممئسسة لمحاربة الفساد واللي غنجتمع قريبا تحت رئاسة السيد رئيس الحكومة، بحضور كافة فعاليات المجتمع المدني والقطاعات الوزارية، وأعتقد أن هاذي واحد المبادرة كتبين على أن الحكومة جادة في تنزيل الإستراتجية الوطنية لمحاربة الفساد والرشوة.

وشكرا.

السيدة رئيسة الجلسة:

شكرا السيد الوزير على مساهمتكم.

وننتقل إلى السؤال الأول الموجه للسيد الوزير المنتدب لدى وزير الخارجية المكلف بالمغاربة المقيمين بالخارج وشؤون الهجرة، وموضوعه مشاكل الجالية بالمهجر، الكلمة لأحد السادة المستشارين من فريق التجمع الوطنى للأحرار لتقديم السؤال.

المستشار السيد لحسن أدعى:

شكرا السيدة الرئيسة.

السيدتان الوزيرتان،

السادة الوزراء،

السيدات والسادة المستشارين المحترمين،

السيد الوزير،

يعيش مغاربة العالم مشاكل عديدة، وتشتكي هذه الفئة من ضعف الخدمات القنصلية وعدم انسيابيتها ومن عدم توفير الحكومة للتحفيزات الضرورية من أجل التشجيع على الاستثار داخل المغرب على الرغم من مساهمتهم الكبيرة في الناتج الداخلي الخام، هذا إلى جانب ضعف التأهيل وتأطير برامج التعليمية لأبناء هذه الجالية في مجال تعليم اللغة والأسس الدينية والثقافية لبلادنا.

السيد الوزير، ما هي إستراتجية وزارتكم لإصلاح حقيقي ولمعالجة واقعية مشاكل جاليتنا بالمهجر؟

وشكرا.

السيدة رئيسة الجلسة:

شكرا.

الكلمة للسيد الوزير للإجابة على السؤال.

السيد عبد الكريم ابنوعتيق، الوزير المنتدب لدى وزير الخارجية والتعاون الدولي مكلف بالمغاربة المقيمين بالخارج وشؤون الهجرة:

شكرا السيدة الرئيسة.

السيدات والسادة المستشارين،

أولا ابغيت نشكر الفريق ديال الأحرار على هاذ السؤال اللي كيدخل في صلب الاهتمامات بمغاربة العالم، وابغيت نأكد منذ البداية أن إستراتجية التعامل والاهتمام بمغاربة العالم مبنية على ثلاث محاور كبرى ومرتكزات كبرى:

المرتكز الأول، هو أولا الحفاظ على الهوية ديال المغاربة، باش يبقاو محصنين ويبقى عندهم ارتباط متين ببلدهم الأصلي؛

ثانيا، هي حماية الحقوق والمصالح ديالهم؛

ثالثاً، هي تعزيز المساهمة في التنمية.

غنبدا بالنقطة الثالثة، فيما يخص المساهمة في التنمية، ربما خفي على مجموعة من الناس أنه كاينة تحفيزات كبيرة باش المغاربة ديال الحارج يساهموا في التنمية الاقتصادية، وغنتذاكر على الصندوق الحاص للدع، هاذ الصندوق اللي وضعتو الحكومة السابقة واللي باقي مستمر، ربما ماكاينش حولو مجموعة من الإمكانيات باش نتواصلو مع الناس، وخاصنا نتواصلو مع الناس فيه اللي مبني على مجموعة من الاختيارات أساسية كتخلي المغاربة يساهموا في التنمية الاقتصادية ومساهمة ملموسة، كل مشروع اللي تيفوت مليون ديال الدرهم الدولة كتساهم فيه به 10% بدون مقابل على أساس أن المساهمة ما تفوتش 5 مليون ديال الدرهم.

ثانيا، أن أي مواطن مغربي في الخارج ممكن يساهم خاصو يساهم ب 25% خارج الدين البنكي وتكون بالعملة الصعبة، وبالتالي في كل القطاعات فإذن هذا عمل وصندوق ملموس كنطلبو من الجميع غدا إلى ابغا يساهم في.. احنا مستعدين نديرو المواكبة ديالو على مستوى التسهيل باش يستفاد من كل الإمكانيات ديال هاذ الصندوق.

فيما يخص الحضور ديالنا باش نحسنو كاين حضور قوي ديال المغرب على المستوى الثقافي، مثلا المغرب في السنوات الأخيرة دخل في سياسة ديال دور الثقافة، كاين "دار المغرب" في مونتريال، كاين الآن التحضير وغيبدا الأشغال في "دار المغرب" بباريس، كاين كذلك "دار الثقافات الثلاثة" بإشبيلية، كاين "دارنا" اللي كنشتغلو مع الدولة الفلامانية أو عن طريق الفلامان ببلجيكا، وكاين كذلك "الدار" في أمستردام اللي واجدة اللي الأشغال انتهت وكننتظرو غير التدشين ديالها.

على مستوى الحضور الثقافي فالسنة الماضية كاين 17 فرقة مسرحية اللي دارت جولات متعددة في أوربا وفي إفريقيا وفي دول أخرى، واللي قدمت على الأقل 120 عرض مسرحي، هذا تواصل ثقافي اللي عندنا مع إخواننا في الحارج.

كاين كذلك مساهمة الوزارة ساهمت ب 57000 كتاب مدرسي لدعم الجمعيات اللي كتدير التلقين ديال اللغة العربية أو اللغات المغربية لأبنائنا في الخارج.

كاين كذلك فيما يخص التكوين المهني درت واحد الجبهة محمة، كل العائلات اللي كتعيش في الخارج واللي عندها نوع من الهشاشة كيمكن تجي

تتلقى تكوين في المغرب عن طريق التكوين المهني وكترجع لدول الاستقبال، وهي مسلحة باش يمكن تنخرط في سوق الشغل.

فإذن كاين اهتمامات متعددة، وبالتالي خاصنا فقط خاصنا غير نضافرو الجهود باش نعطيو بأنه بالإضافة لهاذ الاهتمام راه كاين جمعيات تشتغل على أرض الواقع، وهي باتصال مع الوزارة، وكلما كان موضوع معين إلا وكندخلو في شراكة معها.

شكرا.

السيدة رئيسة الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد لحسن أدعى:

شكرا على جوابكم السيد الوزير، ونذكركم أن أسباب نزول هذا السؤال مرتبط أساسا بموسم العبور وبتدبير عملية "مرحبا"، ولعل أبرز النقط التي وقف عليها فريق التجمع الوطني للأحرار في مشاكل لها ارتباط ثقافي وآخر تدبيري مرتبط بظروف الأزمة الاقتصادية الخانقة التي تعيشها بلدان الإقامة، فموسم العبور له تكاليف كبرى مرتبط بتذاكر السفر الغالية جدا وظروف الاستقبال الصعبة وانعدام الجودة في الخدمات، خاصة النقل البحري الذي عادة ما تعانيه مع شركات النقل البحري العالمية، والتي تتعامل باستعلاء كبير وتفتقر تعاملاتها إلى أبسط الشروط الإنسانية.

في الجانب الثقافي، تعلمون أن العلاقة التي تربط جاليتها في ديار المهجر مع بلدها هي علاقة مقدسة، حيث عملت الأجيال الأولى للهجرة على بذل مجهودات جبارة لبناء المساجد من أجل الحفاظ على الهوية المغربية وتعزيز القيم المغربية الأصيلة، حيث عمل كذلك على تأسيس العديد من الجمعيات التي يجب أن تدعموها لمواصلة هذه الإنجازات وهذه الأوراش عبر إرسال البعثات الثقافية والتعليمية الضرورية.

السيد الوزير،

عملية "مرحبا" لا تكفي لوحدها، فمعالجة مشكل الجالية مرتبطة بحلول ميدانية تتجسد في بناء مدارس جديدة وربطها بمقررات خاصة بأبناء الجالية المغربية بالخارج تراعي خصوصيات بلدان الإقامة.

إشكاليات أخرى مرتبطة كذلك بظروف الإدارة ووضعها المأساوي الذي يساهم في تأزيم المرفق العمومي، فعدد الشكايات التي تبعثها جاليتنا عن طريق السفارات والقنصليات وصلت سنة 2015 إلى 5360 شكاية مرتبطة أساسا بالرخص والتعمير والمحافظة العقارية والترامي على ملك الغير والسرقات المتعددة وعدم توفر شروط الاستثار وعدم مساعدتها على إنجاز مشاريعها التي تعاني من تصفية الحسابات في ظل تباطؤ الإدارة القيام بواجبها.

وأخيرا المشاركة السياسية، أعتقد أنه مبدأ دستوري ينتظر منكم مضاعفة الجهود لتحقيق هذا الطموح لأن البلد اليوم محتاج إلى الاستفادة

من أبنائه خارج أرض الوطن، إذن مشاكل الجالية منظومة متكاملة تقتضي تضافر جمود الحكومة ككل لمعالجتها وعليكم السيد الوزير القيام بدور التنسيق بين محتلف هذه القطاعات لحل هذه المشاكل في شموليتها.

السيدة رئيسة الجلسة:

شكرا السيد المستشار، ونشكر السيد الوزير على مساهمته.

وننتقل للسؤال الأول الموجه للسيدة كاتبة الدولة لدى وزير الطاقة والمعادن والتنمية المستدامة، وموضوعه انتشار غبار أسود بمدينة القنيطرة، الكلمة لأحد السادة المستشارين من مجموعة الكونفدرالية الديمقراطية للشغل لتقديم السؤال.

المستشار السيد المبارك الصادي:

شكرا السيدة الرئيسة.

رمضان كريم للجميع وجميع المغاربة.

في الواقع كنا طرحنا هاذ السؤال في التجربة الحكومية السابقة، وجا الدور عليه اليوم في هاذ الحكومة، نظرا للغياب الدائم لبعض الوزراء، وهاذي في الحقيقة ظاهرة ناقشناها في بداية هاذ الحكومة، وكنتمنى أنه نتغلبو عليها، لأنه غير ممكن هاذ المؤسسة ديال البرلمان ما تديرش الدور ديالها.

اليوم الأغلبية دالمغاربة تيفقدوا الثقة في المؤسسات وفي الأحزاب وفي النقابات نتيجة لبعض المارسات وإلى ما صلحناهاش وابدينا منها غادي نبقاو هكذا.

اليوم إلى ما جاوبناش على الأسئلة الحقيقية ديال المواطنات والمواطنين غادي يبقاو دامًا ما تيثيقوش في هاذ المؤسسات.

سبق لمجموعة الكونفدرالية الديمقراطية للشغل طلبت عقد لقاء مع وزير الداخلية إبان وفاة فكري، المرحوم فكري، باش نلعبو الدور ديالنا كؤسسة.

كذلك اليوم كنطلبو وطلبنا عقد لقاء مع وزير الداخلية باقي كنتسناو. اليوم كل الفرق والمجموعات ها انتها تتشوفوا تيديروا سؤال وتيذاكروا على الوضع في الريف لأنه من حقنا احنا كمؤسسة تشريعية ومنتخبين نتبعو ما يجري في بلادنا، ما يمكنش نبقاو كمؤسسة نتفرجو على المصير ديال المغاربة والمصير ديال بلادنا.

اليوم، خصنا نساهمو في حل المشاكل ديال أبنائنا وكل المناطق ديالنا، لهذا هاذ المقاربة اللي اخذاتها الحكومة واليوم أحد المكونات ديال الحكومة تيقول لك الحوار مع الجميع هو الحل، بينها كاينة مقاربة أخرى على أرض الواقع وهو الاختطاف وهو الاعتقال، كاينة الناس اللي ما عارفاش أبناءها فين كاينة، لهذا خاص هاذ المؤسسات تلعب الدور ديالها وتعرف أشنو واقع في بلادنا.

نجي للسؤال ديالنا ديال الغبار الأسود، فعلا كاينة هاذ الظاهرة في

مدينة القنيطرة وفي مدينة المحمدية، في مدينة سلا، واحد المجموعة المدن (surtout) هاذ الظاهرة تتكرر غبار أسود تيخنق الساكنة ديال القنيطرة، ابغينا نعرفو أشنو هي الإجراءات اللي دارت هذيك الحكومة السابقة واشنو غادي تدير هذيك الحكومة الآنية؟

وشكرا.

السيدة رئيسة الجلسة:

شكرا.

الكلمة للسيدة كاتبة الدولة للإجابة على السؤال.

السيدة نزهة الوافي، كاتبة الدولة لدى وزير الطاقة والمعادن والتنمية المستدامة المكلفة بالتنمية المستدامة:

شكرا السيد المستشار المحترم على طرح هذا السؤال، وأنا شخصيا أعتبر أن التدافع النيابي والبرلماني بصفة عامة هو جزء من التحسيس وكذلك من التأسيس لمشروع البيئي للتأهيل البيئي لبلادنا، وبالتالي كن مطمئن أننا سنلمي الدعوة كلما دعوتمونا.

بالنسبة لما يتعلق بانتشار الغبار الأسود بمدينة القنيطرة، ابغيت نوضع الإخوان والأخوات المستشارات في الإطار العام، اليوم بلادنا كتشهد تنمية صناعية اقتصادية، بالموازاة لابد أن يكون لها مشروعا ديال التأهيل البيئي.

الحمد لله، تقدمنا في مخططات وطنية، في المخطط الوطني لتدبير النفايات الصلبة، النفايات، السوائل المنزلية والماثلة، المخطط الوطني لتدبير النفايات الصلبة، بعض المبادرات مكافحة التلوث الصناعي، الهواء لأن ما كنشوفوهش، ما عمرو تكلمنا عليه، بالتالي اليوم أنا بهاذ المناسبة كنعلنو أننا نشتغل على أن يكون للمغرب في إطار مشروعه وخطته للتأهيل البيئي يكون عندنا واحد الحطة لتحسين جودة الهواء ديال المغربيات وديال المغاربة، هذا على المستوى الوطني.

ما يتعلق بالقنيطرة، بالفعل الحكومة السابقة وهذه الحكومة دارت مجموعة ديال التدابير، منها أول شيء احنا كنعتزو به هي كاين واحد اللجنة جموية دائمة تقنية دارت مجموعة من المبادرات، والأساس فيها أنها هي أنها تشاركية، فيها السلطات المحلية، الجهوية، كذلك الوزارة ديالنا اللي فعالة على هاذ المستوى، ثم كاينة تدابير أخرى سأتشرف بإلقائها بعد التعقيب.

السيدة رئيسة الجلسة:

شكرا.

الكلمة لأحد السادة المستشارين في إطار التعقيب.

المستشار السيد المبارك الصادي:

شكرا السيدة الوزيرة.

غير بالنسبة ذاك الغبار الأسود هو كيخنق أبناء القنيطرة وخاصة الصبيان، الأطفال، وذاك الشي اللي تدار قديم، هاذ اللجنة التقنية مع الأسف باقي ما حددت حتى السبب ديال هاذ الغبار الأسود، بعض المرات كيقول لنا هذوك العجلات المتلاشية كيحرقوهم قدام مطرح

النفايات، بعض المرة كيقول لنا من واحد المصنع ديال توليد الكهرباء، بعض المرة كيقول لك المصانع اللي كاينة في القنيطرة ما كتحترمش، المنشئات ديالها ما كتحترمش المعايير البيئية، وبالتالي حتى المشكل باقي ما عرفناهش باش نلقاو العلاج الحقيقي ديال ذاك الشي، والحكومة إلى ما قدراتش هاذ الشي ما كيكلف لا ميزانية لا فلوس لا حتى شي حاجة، كيكلف إرادة حقيقية ديال الحكومة، إلى ما قداتش تضمن لنا ولوليداتنا حتى جو سليم فين نعيشو أشنو ممكن نطلبو منها أكثر؟ هاذ الشي ما كيكلفش، كنقول لك، ميزانية ضخمة، كيلف إرادة حقيقية، وكاين هناك تواطؤ كنقول لك ديال بعض الماس مع بعض المتسببين في هاذ الشي اللي ما باغينش يقولوا الحقيقة...

السيدة رئيسة الجلسة:

شكرا السيد المستشار.

الكلمة للسيدة كاتبة الدولة للرد على التعقيب.

السيدة كاتبة الدولة لدى وزير الطاقة والمعادن والتنمية المستدامة المكلفة بالتنمية المستدامة:

هو يبدو، السيد المستشار، أن ليس لك المعلومات الكافية فيما يتعلق ملف القنيطرة.

هناك بعدا تقرير كامل للفترة السابقة ولهذه الفترة في الحكومة ديال المختبر الوطني للبيئة، هناك كذلك تقارير ديال اللجنة الجهوية اللي فيها مجموعة من الإجراءات اللي أعطت واحد الحقيقة اللي هي من فبراير لليوم تحسن الوضع، ماشي بالشهادة ديالي ولكن بشهادة المواطنين القنيطريين، وكما كنقولو هذا مشروع ديال التأهيل البيئي ديال بلادنا، وخصوصا في بعض النقط والمدن الحيوية اللي كتعرف تنمية صناعية وتنمية اقتصادية، وبالتالي كان في هاذ اللجنة كانت فيها مشاركة ديال الوزارة فعالة، تمت فيها هاذ اللجنة قامت بعدة أنشطة، أول منها هي إعادة تشغيل محطة قياس جودة الهواء، وبالتالي احنا كنشكرو جميع الساهرين، هذه مناسبة باش نشكر جميع الساهرين، هذه مناسبة باش نشكر جميع الساهرين، هذه مناسبة باش نشكر جميع الساهرين على هاذ الإجراء هذا.

كان اقتراح جميع الفرقاء لاتخاذ جميع التدابير وفيها آجال محددة منها: قيام المختبر الوطني كما قلت البيئة بحملات قياس جودة، كانت فيها لمدة مستمرة بعينات وبنتائج، ماشي ما عرفناش، ثم كذلك كان إنجاز المسح الخرائطي توسعنا من القنيطرة وامشينا لسيدي سليان، وامشينا لسيدي قاسم، بعد ذلك تم بالنسبة للتتبع والمراقبة عن كثب بالنسبة للحالتين ديال محطتي توليد الطاقة الكهربائية بالقنيطرة، وهنا التزموا المسؤولين أنها تكون عندنا إجراءات مستدامة، وهذا هو الأساس اللي غادي يكون مستدامة...

السيدة رئيسة الجلسة:

شكرا، ونشكر كاتبة الدولة على مساهمها. شكرا لكم جميعا، ومرة أخرى رمضان كريم. ورفعت الجلسة.